

安般經詩續鈔

二





安般移集

詩續戊

損之又損戊子

不向損中求作用。卻資何術養神明。戒爲第一功安隱。慈攝中千物化生。傳沫細嬰真可翫。蛇蟠蝸甲未須盈。逃虛吾欲蓬蒿住。茶竈丹爐次第成。

偶咏虞仲翔事

大兒疏宕頗相知。

謂孔文舉

後鄭精深未可訾。腐芥何緣干虎魄。葬簫直欲遣蠅吹。解辛未達瘖徒旨。

皇甫士安守

論曰。瘖聵之徒。天下之有道者也。

詮易翻援祕說詞。

漢氏易源出參同。許叔重以爲祕書說。

雖則通人猶有蔽。卻居流徙不忘規。

託興

東方託興代農謳。逸翮囚拘不自由。下策支離慚祿隱。區中竟墮第三流。

楊子法言云。聖人高餓絲下祿隱。

戲效陸體咏長安早春

幾度金門閱歲華。吾生合買醉無涯。春聯戶戶車生耳。好語家家戟列牙。風引碧簫樓縹渺。雪裝瓊葉樹交加。奇材何處韓園卒。睡穩花輒聞曙雅。

崎嶇

崎嶇世故氣猶全。喧處浮游寂處辛。亦有五岳起方寸。時逢孤鴻揮懦弦。朱雀桁驕成底用。碧雞坊宅且隨緣。把茅吾欲遺家去。一庵昏曉送華顛。

題莊中白蒿庵集

別有清扉抱。非無隱秀篇。前游江岸圻。舊業草亭平。氣以摧傷瑩。詞因蕉萃溽。諧談起我意。隱事託誰箋。賦擬蘭陵筆。音流竹屋椽。周旋曾款款。神理尙緜緜。幾翦秋床燭。同浮畫檻船。風流渾似夢。悵望竹西天。歸善鄧公蒙恩解官養病述一首

往時諫紙月千張。卻掃時閒臥一堂。瘴嶠崎嶇工叱馭。中邊飢饉尙亡羊。決疣竟換羅衣去。憂國難將藥石忘。暫許羅浮專一壑。除書早晚賁林塘。

卽事

風塲冰澌晴盪漾。碧句林影午參差。羈魂暫釋緣光景。倦眼無端困牒移。友似向晨星錯珞。身如隔日瘡支離。莫言工倚糟邱隱。阮籍當年亦自疑。

偶見小院巢雅戲賦

結巢戢戢數黃雅。障日輕煙似幕遮。壓耆已教專腐鼠。續紛復許看塵螞。休疑池上鷓爭粟。莫妬江頭鵲

啄花栖徧上林多少樹。但令安隱亦何瑕。

兀兀騰騰

涪翁晚困編管宜州。作堂任運。寡欲清修。一龜搗床。蒸泥出菌。文字性存。皮膚剝盡。騰騰兀兀。日用曹溪。毋落吾事。運甓灌畦。

綿綿穆穆

湘鄉早年。一官人海。何吳湯邵。蜚英競采。獨耽閔寂。避讒栖乎。屬友署室。穆穆由靜之運。以敬爲主。綿綿自喧返寂。守靜爲宗。

漫題

南枝擲蕾北枝斂。城釀嫌甜野釀醇。萬有不齊春後物。澹然已足定中身。黨枯護朽難醫俗。啁鵲遊蠶亦療噴。試策西郊藤杖去。一觀浩蕩物華新。

改兒子梁肅句

一雁春庭飛欲下。有人危坐撫孤桐。偶將太古蕭寥意。寫入清商激越中。三人真洒對論詩。一客無言有所思。詩句欲成飛鳥遠。綠蕪斜日樹陰移。

追感興化先生

先生示人杜德機。丹經電逝見無期。未忘將鞵擦偈日。永作芳郭人天師。

伯訥兄枉過茅堂有作

涉歷崎嶇氣益平。芒屨竹杖覺身輕。春禽報客珠先嘯。山色迎人黛已橫。年輩坐忘容岸幘。登臨有興欲移枰。公眞解縛辭馘徹。我尙挖泥帶水行。

犬吠籬根風入松。團焦負郭便疏慵。持櫛不待長鬚約。開徑還欣玉趾登。會遣諸生序槐里。敢云元禮識林宗。杖頭試挂百泉去。同聽西郊晚寺鐘。

春露園桃將放

春陰著意閣輕雲。桃欲舒紅望易分。任是風狂吹不落。故緣含萼最精神。

題仲弢所藏跨虎仕女圖

天風駕冷冷。峯陽雲一絲。毛女誰喚起。橫吹碧參差。青林瑤闕閒。凌鞵將何之。璆然明月佩。解之欲遺誰。毋乃畫工獻。寓興七發詞。玉笙坐兩頭。後庭青蛾眉。洞房施錦茵。是伏蹶痿機。誰餐舉石散。狎虎相抵巇。又疑參同家。取兌不用離。姹女煉黃芽。妙訣容成遺。丹成騰汗漫。金虎驂素威。二說皆幻想。可取摧燒之。思惟道勝者。見境而不移。白虎爲我瑟。蒼龍爲我篋。摧落諸外道。馴以四威儀。三機方電掣。且須守其雌。偶現華鬘相。蕭然出塵姿。神藏藕絲孔。氣攝深叢巖。黃子搜祕素。渺然健抽思。中士嗤捉搦。殷芸小說。仙真

助撐持。吾言亦戲耳。試詰無言師。

清曉行小圃中寓興

天桃已落英。勁風無留花。孤松方含苞。潛穎始萌芽。彼胡襪而肥。此豈貞而葩。化工非汝厚。物性其如何。窺突遲炊煙。仰觀東溟霞。遲遲山林翮。似投西澗適。吾意偶有得。陶然思無邪。一笑皆真之。外物吾何訶。續前作

多難膽氣薄。出卽道阻修。豈惟怯遠適。兼畏謗與讎。收身鷓鴣窟。洞然天人憂。草木蟲蛾微。縱橫成春秋。且欲觀物化。湛冥當林邱。敷文自娛戲。聊釋世語囚。何以酬春光。榮啓一鹿裘。倦來枕白石。亦挾葛天遊。閉關

百蟲無可與語。只合蕭蕭閉關。泥水尙容自蔽。何須射獵南山。

擬作游仙一首

河源西界集真仙。海色清涼壁月懸。一卷夢攜丹漆器。幾人手補蔚藍天。東王賜擘虬爲脯。西母教裁繭作綫。聞道赤松新著籍。丰容升降挾長煙。

戒九弟

湍石碎方舟。風斤摧木直。虛船澹容與。社櫟青如織。物理有如斯。世宰寧易測。欲遣榮趨憂。先鉏董梧色。

連日得雨呈括蒼趙先生

上已匆匆佳禊過。宵來一雨潤園林。棠園珠纈三重路。松長黃芽幾寸金。新漲碧缸塵耳洗。閒聽翠鳥道機深。放晴待寘花閒酒。判得浮生百榼斟。

寄題里中舊居二首

彌望應暢然。草樹縈阡陌。列簷曖煙火。雞犬馴故宅。池改昔時穿。花涵前地岷。松猶一窗青。山幻四時碧。遙心依歸雲。積氣鍊營魄。漸北隔燕南。相望連日夕。神傷蓼莪篇。園苔漫行迹。縱令遼鶴返。哀唳裂崖石。何者爲百年。千金軀。養客鮮民吾獨存。一歎天地窄。

晦村及東巖。芒屨沾草露。紫溪郭文樵。石室嚴子渡。林巒絕勝處。心賞不可遇。山魃木魅閒。飽汝幽栖趣。江流白雲裏。榜繫青楓步。兩岸山花紅。細雨散如霧。我未脫世機。歸盟西崦鷺。童稚須講授。鄰曲通眷顧。下泮待勤耨。丙舍補封樹。吾非慕禽向。第欲安吾素。已辦書一車。將供娛老具。

園中花時招集鄉郡友人寘酒徐戶曹有詩見示因答和

我本山中人。心情漸衰槁。瀟中花發不得歸。頗惜當時好懷抱。碧雞坊頭居幾春。輒紅塵土催人老。差幸羈栖半畝園。蜂喧坐覺春痕早。城西何處不尋春。卻惱風光歲歲新。平生故人碧雲暮。誰與醉臥花閒茵。椽曹衝泥晚歸舍。避俗畏出旁人嗔。諸公相看辱注瓦。如結鄉社盤橫鱗。坏行到手莫辭醉。長繩幾見迴

羲輪交柯凝妝鬪妍麗。天巧翦熨珠襦勻。頗疑霞散赤城纈。餘丹下染仙姝唇。又疑造物慰蕉萃。瓔珞張此林園貧。斜簪散髻坐籬落。閒林照耀清無塵。高歌遏雲花片墮。有似曲罷青蛾顰。秩疇遇蹇世事促。那有清興顛冠巾。無功樂丞吏而隱。梅朱封事何由陳。對花不省迴舞袖。但付流水來沄沄。并無好句訓綺序。但把斷簡療飢呻。豈期戶曹起我意。新什搏控黃騏驎。擊鮮不厭我撲溷。相見挾去藩地真。我謂徐君請更酌。待珠苗菌篁生孫。我歌君和出金石。起視天宇雲粼粼。

題畫柏

嗟予節行久已惰。媿見峻嶒百尺枝。始信枯中有生氣。冰霜歷鍊畏人知。

三月二十八日蕭寺餞別

稍覺市塵遠。旋登香界闢。日澹花氣融。天光罨金碧。寂磬流空林。繁英照瑤席。蒼彥欣盍簪。眞賞寄樹石。摩挲題名卷。匆匆百年客。一片羅浮雲。蒼茫將遠適。時危尠忠直。幽憂那可釋。暫去林野娛。一收朝市迹。島索爭方始。辛黃運密移。欲一掃氛濛。儒術能已之。達者無繫礙。萬物之宗師。孤行心冥冥。不誠世俗爲。求治慎所積。竭忠良不欺。禍福豈暇擇。聲銷志無涯。君今賦遠遊。軒車來何時。何以戒居者。靖共爾職司。養此徑寸著。其用方靈龜。勿笑一尺捶。自足苔羌夷。感君贈處言。留作佩弦資。

鄧公瀕行以所乘驢見贈不意驚逸覆車老僕王姓猝然壓斃於其蹙也哀之以詩

胡爲汝命今晨盡。逸鞚奔車谷。孰任張籍。昨方欣得馬。楚人奚止哭。亡簪。細機俄頃真難料。沈魄浮游不可尋。剝啄敲門傷我意。誰如汝慎只需襟。韓集有張籍得裴司空馬詩。

戲書

強名修道仍耽俗。卻似猩猩酒屐緣。近愛山陰陸務觀。心行平等得安便。

送西僧華蓋

道人談笑寓兵機。賜紫蒙恩得假歸。曾仗星文三尺劍。橫穿月暈七重圍。行經大漠人羅拜。氣懾陰山馬不肥。邊寺祝釐工鎮撫。羣胡耕獵響皇威。

秦送黃丈典試閩中感時書事有述二章

健鶻不逢秋。鬱律沮剛氣。造翰聊一快。冰雪澡腸胃。壁去全趙輕。劍來延津慰。久闕肺槎牙。且辨物涇渭。如疏泉萬斛。挾埭傾一溉。朱亭三百士。公至癩瘠瘻。炎洲饒佳橘。貢作金庭味。知辦藥囊儲。他時筮茅彙。取以伸吾志。百鷲安足貴。

孤標凌清風。旄節衝黃埃。使車所蒞處。應灑甘雨來。疲農田塲兆。三輔早爲菑。丈欲披心胸。迴望天門開。一陳民疾苦。再陳剗奸回。長風不可纜。吹送海濤懸。借問何所適。無諸釣龍臺。雖卽江湖樂。猶夢殿浮戩。丈乎早迴駕。朝論待奇孩。

送夢華時奉使湖南

餘霞閣畔兩支離。丙子冬。在秣陵度歲。與君同栖蓮院。上第看君旋摘髭。騎簇仙官方丈節。囊收芳杜屈原祠。冶城交舊稀青眼。中白子高叔俛嘯山久已宿草。桑根老人亦下世。未及睹君稽古之榮。以慰諸公蕪萃窮經之色。追念及之。不勝感歎。嶽麓諸生列絳帷。終愛割青亭隱去。何如經卷忍朝飢。

天台藤杖歌

杖兮杖兮其生也艱。天台四萬八千文。雲氣時出疊空閒。山霧濛濛神鬼守。熊經虎攫天門關。丰茸離纒一百尺。長松石恠相緣。上有懸巖太古雪。不化下有石梁飛瀑濺潺潺。辛螻白鶴集吟歎。暎帶篁竹深。茅菅蒼官青士拱。左右雷雨倒垂石髮斑。何年巧匠妙斫取。遂辭瓊臺紫闕流。落于人寰蒼然非生亦非枯。偏奇古勁節盤紆。緋衣都水王大夫。此杖。贈持示瀨上支離。時危恨少忠直扶。疇侶知德鉏奸諛。頗疑王尊屹立汲黯。懸櫻龍鱗兮捋虎鬚。偉哉造物於汝厚。嚴凝之氣獨與常葩殊。厓傾川竭汝僵立。首拄赤城台嶽尻。元都堅凝正靜世。所仗噤懾夸毗之子兀。若檄株枸。嗟予再拜安敢狎。亦不欲駭羣兒愚。但用日挂百錢相追逐。徧陟人閒五嶽真形圖。鐫鑿大句詫寒拾。劇泉擔藥窮嬰娛。海東霞起坐待赤城曉。餐和飲瀨相忘於江湖。

簡繩庵丈

雲浮彈指幾榮枯。雞塞歸來事事殊。螻蛄王侯真臭腐。笠筇標韻一蕭疎。陳編微管疑今決。聞爲管子作箋。業屠龍世笑迂。豈謂閉門無一事。古藤陰下注陰符。 舊

圓枕贊

轉輪爲臥輪無住亦無滯。槁木非槁木。臥游人閒世。

方牀詩

鼎父所留坐具

佳人詒我碧藤牀。嶺外音書滯一方。兩處孤雲都入夢。何時夜雨約相望。

雨後納涼

坊非履道卻幽偏。雨洗炎蒸得靜便。殘滴猶聞松下響。繁聲已過竹中喧。栖真班嗣耽何物。養性王充述幾篇。詩罷颯然天又雨。殷階琴筑迸流泉。

善果寺

道人心明白日靜。坐覺萬籟頻伽音。蒼然閉門竹色淨。漠漠一片苔花深。

人事不齊

茶戶喜霽。花房祝霧。浣婢願水淺。汲奴願水深。鵲飢欲入窠。雅渴思出林。兒耆飽睡媚。呻吟晚臥早起常。差參有月嫌明無月暗。人來畏聒去愁瘡。熱客望常調。貪賈囊無金。爰居無心於饗樂。苦遭魯俗來相尋。

人事不齊有如此。一笑芭蕉墜。受此百盜侵。荒齋何所有。陶器與單衾。亦無一卷素書。一弦琴。足以陶寫開靈襟。祇餘半偈寒山子。寂寂惺惺飴我心。

頗饒

頗饒紅皺與黃團。所乏湖嵌并瀟碧。隸知畏客關三重。兒得吾酒能一石。時來窗下作俗書。詰屈蛟蛇駮牆壁。

蓼花

弱蓼紅初吐。亭亭亦絕塵。天然瓔珞髻。不厭庾郎貧。

有一佳書爲友人借觀失手漬水所澆戲咏

無端篋外通靈畫。忽厄桓元寒具油。卻似妹姿蒙不潔。幾疑蕤簡出荒邱。

秋日過灌畦翁

屋後叢叢翠。畦香蝶不知。井上鹿盧臥。蔬甲雨肥時。

秋深梨棗熟。丹漆壓簷巖。莫笑支離叟。頽然且策勳。

偶寄括州山中隱者

括蒼一峯高。俯視皆培塿。丹邱待逸人。受經江漢叟。榮榮窗下蘭。落落門前柳。陶然游太初。不在飲五斗。

青牛道士來，奇方傳肘後。頻出刀圭良，廢疾起簷葺。人令種一樹，爛漫花滿阜。時有山蜂喧，不須瘖虎守。晴窗見飛瀑，涼翠逼庭牖。一道松花泉，銜銜孔雀口。下尋忘歸臺，落剔唐篆糺。山中饒靈異，世外皆秕垢。蝸牛隨意廬，觀物息深黝。活東能作技，潭湫玩蝌蚪。疑年踰古稀，行義炙衆口。有子豐年穀，計偕貢闕右。無慚太邱德，莫測瞿劭壽。欲往叩遺書，鼉生應筆受。

龔儀曹同年索和

人海突兀栖一龔，懷中雙橋開笑容。槎凌碧玉晉祠水，袖有紫蓋滄臺峯。曾典山西試已聞止酒學陶令，復有仙班參秩宗。剝啄叩門百不應，哦詩獨立如蒼松。

睡起聞茶沸聲

乍如遠嶺風篔韻，復似冰溪咽更揚。折足鑪中茶已熟，覺來滿眼是窗光。

上蒿隱先生

修門世機溷侏儒，龍章鳳姿絕世無。先生意度獨真朴，安雅自足釵羣愚。人中頽然若松峙，昏則挾册窮鉛朱。詞微趣澹不驚俗，萬象攝以仙公壺。說經妙處精且博，爰禮秦近書皆奴。世閒局趣不稱意，斗食束縛昂臧軀。洞庭西岫幽絕處，波平萬頃霞滿湖。水光山色富奇麗，石屋洞天開畫圖。把茅尙足蓋頭去，況買下溪供雕菰。漁歌牧笛衡吟嘯，竹木明淨心魂蘇。從容發篋讀書史，勝於日力官曹拘。十年深耕爨古

籍名理日苗無荒逋。豈如吏困莽涉獵。十不一得償其劬。收身名山玉笥裏。踵息自抱三淵珠。古云聞善江河決。至靜乃與木石俱。胡爲錄錄與俗處。龍虎徒絀獵師置。追君雙笠與不孤。上下林壑窮清娛。山精龍女證息壤。知我獨往情非誣。先生聞此一撫掌。明日招隱歸來乎。

欲雪

溶溶雲勢合微黃。罅處凍蟾生一光。三兩點花輕著樹。無緣巧借作宮妝。冰池忽訝琉璃地。淨處看猶隔一塵。卻憶未眠南郭叟。燈昏獨自掩松筠。

尊老生日

賀公年輩在臣先。吏隱風流史又辛。夙證天台採靈藥。夢騎白鹿聽飛泉。皆雅。客疾乘除意自仙。記取乾嘉音未沫。不煩南董以儒傳。

君自云前身爲天台山中國清寺僧。

清談曼衍言

書局齋鹽早接正。喬松蒿倚媿肯疏。廿年彈指官倉鵠。一笑相啣涸陸魚。專一壑。鄭君書待揭千棊。入山乞音我飛霞佩。願傍深甯講學廬。

同治中。與公同在書局。篋仕又與公同曹。

班嗣久思

過水月庵有懷姚鏡塘先生

一片空明水月俱。枝言春雨灑根株。道光朝士狂標格。庭翠今餘柏子無。

最愛

最愛西窗兩叢竹。亭亭不受臘雪蕪。風去遠韻金浙瀝。月上疏影玉離筵。現莊嚴相神孤聳。剝淨明心俗未諧。暄寒日夜相蟬代。與之偕逝亦良佳。

歲除

晴樹噪寒鵲。不覺歲已除。徒淪阮公跡。未返班生廬。爆竹聲催老。據梧懽有餘。還思下溪舍。盡日帶經鉏。

安般彙集

詩續己

偶書絕句己丑

歸心乘月泛西溪。老屋寒蔬一兩畦。
洲畔梅花問消息。橫枝倒浸碧玻璃。
鐘度層崖塔影微。漁榔夜半火明磯。
弟兄眞酒高樓望。待我橫江一鶴歸。

簡子培

古今滯義積拘攣。出匣龍淵一奏鈺。
萊子斑衣春更暝。白雲散吏傲如仙。
盧師巖畔應穿築。退谷亭前好接聯。
試覩蠶耕深處隱。西山佳氣壓幽燕。
君久居北便習之。嘗語予云。前一歸禾中。無田廬可依。輒復思北。故云爾。

正月十三日舉一女

試燈風暝長蘭芽。繡襖新紉小阿茶。
且喜向平心事早。消搖閒過十年賒。
畫蝶

惟蟲今始信能天。天上張星語帶禪。
適適秦宮花底潑。蘧蘧莊鳥鑿中仙。
前身園客迷離繭。詩境清明淡沱煙。
閒洒生綃工粉墨。卻愁春老柳飛綿。

自嘲

昔時王昶字文舒。張昶兼聞妙草書。張字與王同。一卷牀頭捫老帶。數行筆陣壓羊裾。伯英迴授臨池未。新息

還期戒子如。吾欲其閒資以老。青林黃卷足逃虛。

寄仲修三首

春回湖上赤華房。詞筆陰何老更狂。南垞幾叢寒玉護。東城一道菜花香。衙官才壓杭兼厲。草隸源融魏

與梁。君與孫論書。具有微解。勇蛻解龜成獨往。新添紫氣斗牛旁。

眠予疲犢溺春泥。幾負湖壩碧艸萎。何似銷沈文字海。一生謝客首長低。選詞巧匠神芻狗。君方續迦陵陳氏陔衍集。

載酒春山聽竹雞。可許相招數晨夕。竹窻割與小雲栖。

莊戴鎠張靈落盡。中白子高彥清。叔免嘯山。譚公應亦入霜髭。猶能楚調烏棲曲。絕妙吳趨白紵詞。短簿予今隱油幕。

長安君笑戰枯碁。舊游如夢憑誰說。愁絕還鄉江總持。

聞白雲觀集

春人一半各城陰。來者穰穰訪道林。誰識君家池上樂。融融春柳動鳴禽。

偶書

老去心情依淨土。吟詩蹇淺不成邦。王侯螻蟻看俄化。一笑區中有底忙。

直房小憩

拳窩窄窄鏗生煙。漸近窻光欲曙天。卻似扁舟宿深葦。曉來風定一鷗眠。

湘翁贈唐重建阿育王寺常住田碑卽用于使君范處士唱和韻奉謝

文字緝兼雄。瓊椎倖得公。風流大和歲。韻事亦華宮。石閱煙雲劫。情開函衍中。使君行轍跡。花發舊山紅。

又惠佚老堂記及米書拓本次前韻

名蹟殷勤護。搜奇竟屬公。隸差肩北海。記爲張樛察書。極似李北海寶逸人碑。艸亦妙南宮。島索揮持際。星霜俯仰中。開慶己未理宗之

卅五年也。是年蒙古憲宗祖于合州釣魚山下。次年世祖立。何如老賀監。狂漉荔支紅。

春晚

春晚東園花未開。餘寒料峭燕遲來。問春何處光風早。細草攢茸綠掩苔。

嘲江荔香入場

莫嫌寒乞柳條筐。舞袖迴風定勝場。倚樹名僧吳質僻。試官紅勒却須防。

咏錄公晝睡

銅魚早啓戴星寒。仗散趨牙日半竿。風味依稀似貧士。曲肱一枕入台觀。

虛堂龜息浩無聲。窻外鉤轡一鳥鳴。不放市塵壓午枕。夢中幾局費推枰。

金闕

金闕瓊臺弱水西。蔥籠翕絕與雲齊。諸天法曲霏花雨。上界仙經降紫泥。石壁敲紅開錦繡。池光浮暎樂鳧鷖。白雲杯祝無量壽。大藥神丹捧一圭。

追懷融齋先生

講筵閨寂館壇蕪。玩索遺言魯一儒。北極雲浮似車蓋。南來衣法不枝梧。撫華自昔揚雄嘆。守嘿誰爲元晏徒。蕭寺蒼苔尋履迹。試拈水月客知乎。道光中。先生官都下。時僑長春禪寺。

問婦病婦答云

藜牀黃卷兩支離。用荆公婦病詩意。乞告無期病有期。答我芭蕉原不實。淨名一卷信心持。

三兄餉子陵魚寄二絕

雞因劉子成仙去。魚以嚴翁浪得名。想逐琴高薦春網。江樓歸對食鱗橫。微於白小細於毛。未足尊前佐濁醪。惆悵吾兄招隱意。枉拋南食就腥臊。

題陸放翁先生小像六絕句

我家瀟灑桐廬郡。管領於今倘得公。便作州民挂冠去。不辭黃獨餉千叢。伐胡鏡騎蹋河冰。病挽黃間老尙能。南渡君臣負公意。餘生只合臥花塍。

老來祠祿覬田廩。八十山陰雪泛船。還似蜀游疏氣象。摩訶池上海棠顛。像從蜀刻石本重摹。

抱犢牙參畏吏嗔。鐵餘鸞翮暫須馴。府公何幸得學士。度外能容岸角巾。

公有詩云。平生膽氣薄。不敢犯張禹。有時一言失。恐懼氣如縷。念此思挂冠。白首冀安處。公平生亦苦作吏之齎。然疲役耶。淳熙乙未。公年已五十餘。參議蜀軍府。遇故人范。至能來爲帥。不以僚佐束縛。相得殊懽。未二年。范卽去。然則遇佳府公亦偶然耶。

牛欄春社那辭貧。針輭茶甘老此身。詩格不須分宋蘊。風流未遠義熙人。邱壑憐予著未宜。媿公瀟散出塵姿。樵風依舊溪光好。未忘青鞵布韞期。

新種樹

定從淨社劖芳根。移入官園性厭喧。似語風前木芍藥。我耽村落爾朱門。

其二

根株未固那能妍。兀傲槎牙似散仙。了鳥舞衣誰一顧。狂來獨自柘枝顛。

自署云瀨鄉支離之叟

新銜莫笑支離叟。久竹蟲生亦有天。遲我白雲源裏墅。挂來綠玉杖頭錢。園官夢蝶常當晝。屬國看羊那計年。時一中之老徐邈。不知清濁竟誰賢。

雜興

不到西郊古刹。鹿應頭上生枝。松兒不識鹿角。謂是頭插老樹枝。剝落古碑無字。惟餘落沒穹龜。

花日黃沙刮地。早來蒼耳將枯。人生十事九蹇。況值荒年大無。吏散歸來獨坐。綠陰如幕當牕。無端驚破幽寂。異鵲穿林一雙。一片靈臺清瑩。世故環攻不訾。却似昆侖寒玉。龕沙大石磨治。

陶文沖作擘窠書遺我賦長句爲謝

隱居減景華陽洞。草隸驚人勢欲仙。法乳久隨巖石泐。雲孫今得枕函傳。井闌復出梁千劫。筆冢潛擎越一廛。虛辱夜光投闔士。卻慙故步滯蠻空。

送松岑南歸省母

君子所居鄉。盜牛還守劍。請看邴根矩。薄俗遼東砭。上谷亦羸壤。雄邊財俠贖。酒帶馬潼腥。巫紛雞骨占。頻年龍伯高。講壇花爛爛。不鄙夷諸生。指畫忘倦厭。冷然天風吹。清明掃昏墊。剔除榛莽翳。湔濯桃李澗。諸生亦安雅。如嚙水注漣。椎鈍化鮮瑩。鷓鴣膏拭沾。思親服嶺南。周磐食難饜。飄然辭精廬。擔囊歷行店。袖有塞外春。士無朝菌艷。千人送自厓。器業後當諗。君粗畢嫁事。函箸多可甄。迹屯名理超。神茂真觀斂。行不儻石攜。饒益無所欠。曙觀牛斗南。海氣浮天瀲。舊來歲星精。將爛西樵斂。羨君衣斑連。春酒一卮醞。

幅巾期登堂共飯他時忝

送黃公度再遊歐西絕句十首

行徧扶桑東復東。碧幢又引上空桐。騶談九大洲非幻。都入繡排日譜中。

函有東瀛國別書。發凡辯體子元如。陋他島索輕南北。事緯年經意不疏。君纂日本國志。翔實有體。

直須壓到吾鄴鏡。夷亶文人斂手推。始信山川能說者。林牙爭重老劉才。

嶺南不獨生丹橘。海外從看舞白題。佛說西牛貨洲好。漢家戊尉十年栖。爲嶺金山領事最久。

金穴中郎工摸金。豈知國計恤疲黔。仍將本富蠶耕重。莫得其皮枉用心。墨利加人最重農事。

翁山兀兀二樵崎。嶠雅飄姚不可追。今得泓崢蕭瑟手。正音一洗嶺南詩。

孺初伯訥兩孤標。說士期君器後彫。卻望南雲深不見。海山何處訪團瓢。

竟然訪我碧雞坊。漫叟於今漫作郎。稍待時清長揖去。與君挂席水雲鄉。

芋賦能令狎衆狙。蘭閣彈指到羣胡。指攜卽廩閒談笑。絕倒壺邱攝鄭巫。

故人持節大秦西。同年叔芸星使。又送新知捧紫泥。蒼海不波川嶽靜。始知廟略舞干齊。

單學博有詩戒予好用彼教中語次韻答之

蹇劣惟應慕館壇。迂疏雅稱習台觀。盤飧不泊悲三釜。餅智何曾效一官。賴有名言肱守墨。幸依學舍得

攀韓先生箴我膏肓疾。誤食從教卻馬肝。

諸男總不耽紙筆。賴有名師棒喝存。掃徑煩公能正讀。連牆與走契無言。偶觀西笑敷碁局。共醉南窗臥竹根。此卽零風沂浴興。知時善點得真源。

晚來經籍廢鑽羣。既乏資糧又不專。池受天光同一淨。月移花影懺諸緣。何方養玉瘵詩病。豈任鞭鸞作散仙。急望雨甘露足後。郊西習射控黃肩。

天向曙

海色蒼涼欲曙天。栖烏將子度郊煙。人間亦有蒙園吏。龜息虛堂自在眠。

楸花

楸花一樹氣掣樛。伴我東園醉後吟。縱不諧時堪自媚。翦成綵勝卷風林。

十刹海稻田

點綴江村景象幽。不知近在曲江頭。無邊瑩淨圍方畧。隔岸樓陰漾碧流。

端午

不看競渡固陵濤。十二朱明旅望勞。卻見內家方角棧。青絲箬裹秬新淘。

觀物簞聚花未落

儵然仍不改清陰。細細圓花鏤似金。深媿物情如此厚。未秋常以實爲心。

久旱五月十二夜始得雨

潭底龍慵抱寶眠。祠官玉冊屢投淵。林端忽覺珠跳集。簷際如聞石瀨澣。焦穀應蘇青玉穎。瘦篁旋引翠虬鞭。天心最恤疲農苦。遶郭朝看萬竈煙。

王修撰張分巡招陪少詹李丈通政黃丈蕭寺讌集時王君將奉使嶺南

城西饒古刹。相望一牛鳴。勝集名藍敞。虛堂衆綠生。流連蘭渚禊。洒落竹林英。梵放諸天寂。鐘殘遠壑盈。東京李郭舊。南極箭金并。道論龜毛析。樞言繭蛹精。層霄碧樹閣。落景紺園明。應候蒲初茁。忘機鷓不驚。止觀瞻萄淨。銜使少蓬行。宋人呼秘監之。貳爲少蓬。待泛滇陽峽。迴看此日情。

戲題苑門外托托壁

衆集則有枯折患。澹然獨與神明居。騰騰一刹那閒睡。刺齒搏梁總不如。

華嚴庵中有逃虛子像

北郭十友之一鱗。仇家卷中艸入神。仇山村詩卷。道衍有跋。翠微山寺栖不穩。翻現畏佳世法身。

寓言

惑慙俱未泯。趣無滄洲逸。既乖隱豹姿。復媿屠龍術。雨歇徑含清。歲儉林稀實。真觀遲融釋。浮陰生客疾。

遠巒霧淨。近梵空潮出。縹緲寄沈思。暫懼憂若失。

寄鄉信

山園久別翳荒榛。猶幸幾家荆樹春。竹嶼潮來村酒熱。橫船樓下待歸人。

觀物

敗葉雨化蝶。濺荷風眩珠。將心無所住。觀物駛何如。

訓文道希二首

昔河閒苗夔戲謂柱腹淹貫九千文。而不能換一鳳閣舍人羊肚錠。今豫章文君摘髭得之。哀然居首。乃以爲臭腐苴芥。欲拂衣棄去。而遯迹於南山之霧。夫古之達人。剝魯猶皮。捐魏若梗。注瓦得之。奚足私慶。而世人乃營營於一鼠之腐。一狔之祝。治痔五乘。橫帶萬釘。以天下之美爲在己。其賢不肖相去何遠哉。鶴翔而羅者視藪。鼈繫而甕天可游。物性之殊。固不可強。且天下之士。惟能嫖靜澹泊。超然利之外。乃足以畜德修業。操著鏡而決疑滯。彼智效一官者。惡足與謀康世屯哉。君將幅巾南歸。栖息雲笈。呼吸六氣於彼寬閑寥廓之野。斂其志行。伐材取實。以應時須。蓋知所先務矣。願辱索下走贈言。因綴以詩。走墮落世語久矣。又何足以副君之意耶。

扶疎未盡豫章奇。小中驚人示戟支。爛漫吞匈九雲夢。滑稽貯腹一鷗夷。歸心忽動羅衣興。塵爵何堪劍

瑤吹廬阜靚深雲似海待鑱山石寫雄詞。

委沙搏翼帝京篇。役役誰能以德全。殺癩會須諮靜者。蜉蝣何暇議松年。誅茅佳處益堪隱。釋地編成莫浪傳。已乞一車元晏賜。杜門歸去抱三淵。君方艸西
城釋地。

六言二首

蟻貴槐安夢沸。蝸休茅壁涎昏。楚失齊甯爲得。凡亡荆亦何存。
颯颯雨絲成陣。庭翻蕉葉琤琤。撩起十年愁緒。無眠迸入聲聲。

僕性不能書。近見鄭太夷所作艸隸。洒然異之。充其筆力。猶追風之逸足。不至懸圃拔桐不止也。有贈

不知今何世。煙霏靚奇字。翩如藐姑人。竟體冰雪異。沖融含勁健。古劍藏鋒利。昔傳檄愈風。今見書破睡。清瑩萬丈澗。寒玉巧匠致。鏤之雲一絲。風稜夏蟲避。名藍非永欣。扇閣運精思。含吐捐故菝。鑲紆出新意。蒼枯藤絡松。阻日危峯闕。上栖瞿硎叟。人跡不可至。風塵撼孤標。物外暢遠寄。觀君三淵靜。圍寇心已醉。
雨中移竹

幽人野服來庭戶。不損龍孫翠一鱗。畚雨霏微資薄潤。梢簷淖約著長身。造門已得揚雲老。逃谷新招鄭子真。逸我便爲林下客。垣衣蛛網一時新。

感寓

處已惟慎獨。涉世良寡諧。湛濁闕危言。心如溼蕪灰。睿言藥石師。毅魄青山隈。孤學漸歧誤。節行亦以積。羣鸞龍蛇蟄。陽德何時回。元生戒圓曲。直木又爲災。道與世交喪。拙信難自裁。所以柴桑翁。東臯復歸來。焉知身後名。但付掌中杯。

青牛涉流沙。龍象震迦維。冥彼萬有迹。攝以四威儀。超然衆物母。皎潔無言師。能處巖若淨。能履嶮如夷。

凌躋資獨往。常欲不能淄。抱朴外篇藻練神明者。勝業貴自知。魏書釋志二塗雖云異。殊欲往從之。冷然駕天風。青

瑠騫素威。曾遇異人授。自繖蓋心訣。葺茅萬仞厓。採芝天山雪。至樂規有寄。鴻濛離言說。

雨後郊行

散泉迸竹復穿沙。繁吹新添一部蛙。卻似竹西江岸路。野塘飛鴨入蘆花。

與蒿隱子培再同緣督夢華佛青宴集葦灣泛舟觀荷

嚴居士又老龍吉。幾度南池載酒迴。昔與鹿溪松峯屢同游此瓜蔓水剛三伏半。竹根筵爲七人開。繁花團似紅曠雪。濃

酒傾如綠玉醅。絕勝昆明度雲錦。野塘寂寂祇鷗來。

蘋花風起盪輕舟。殘暑將闌已帶秋。莊惠從來適濠上。鳧魚與我樂天游。鴻頭一斛珠論價。竹實當籬玉

更抽。俱是江南未歸客。荒灣一曲定堪求。

又至南觀音寺小憩

金刹何年遺突兀。殘僧自汲水擔薪。能留茗椀浮花乳。更剝落衣讀翠珉。失道身疑蒼耳入。繙經手觸白魚新。諸君喜問楞伽字。我欲忘言禮應真。

送華農典山西試二首

朱轡引向藐姑深。石上松抽碧似簷。天遣徐陵工采掇。人如班蒨隔飛沈。晉祠乳水醜寒玉。閻氏潛邱出碎金。洗滌山川作佳趣。爲除榛翳露遙岑。

城南出祖借池臺。日暮碧雲猶未來。積雨疲車難出淖。散筵華月已窺杯。頃與嵩隱子培夢華錢別。筵已闌而君始至。清談不廢樵蘇爨。香飯何須寶積迴。但羨寒泉秋菊味。澆君懷抱一時開。

盆池一蓮開四花重跗千葉有異常狀作偈頌云

花色微塵外。三生白業緣。諸根無染著。何處覓花身。
寂照色耶空。斷際無開落。中應舍一淨。不受諸塵縛。
淨亦無所著。花光次第新。四花參五葉。一性證三身。
開時彈指翠。墮亦不著衣。一箇游蜂過。知無所得歸。
無世出世法。無花亦無葉。杖拄看圓池。水淨荷帖帖。

以詩問仲弢近業何事

不獨永嘉學兼喜永嘉禪永嘉多勝流清輝被山川所居塗雖局塵缺缺周旋遙知西窗下潭思易辛研道心無磷淄世事日推遷開予社櫟槁真妄兩希捐

倚杖

倚杖看暮色叢林燈火微須臾疏鐘响餽熟一僧歸

積雨

滿院栽葵蓼沈沈一窻綠積雨少人來喜得逃空谷

送張靄青入蜀

杜曲卜鄰成一村姜家布被知奇溫忽騎瘦馬入西蜀相看祖帳出東門摩訶池上剖符竹畏兀村邊憶酒尊乖厓定有發礪手他日傅霖猶灌園

事見宋史張詠傳

曉霧

蓬萊清淺霧濛濛風引迴舟極望中姑射人如隔煙語率陀天似有梯通臺瓊侍史緝真誥

謂錢子密王嵩隱

碧海

仙槎出葦叢欲叩洞庭張樂地扶桑稍辨早霞紅

里人驅疫

愧非庚楚所居墟。疵癘猶煩走里巫。揚盾執戈憑汝逐。誦經禮懺挾僧俱。迂辛莫對松醪悶。剛卯還垂楸佩紆。且喜傳芭芬士女。夕陽簫鼓聒潛夫。

華嚴海

曲江荷花一萬柄。何似華嚴海色涼。仙人只用合丹鼎。水伯因之貢玉堂。細草茸茸洲島出。疏松沈沈鐘漏長。閻浮衆生多疾苦。應須覓取藥師方。

八月十六夜望月

草樹靜無風。清瑩挂碧銅。入林光炯碎。敲杖興迴融。忽憶秀峯下。蕭寥壇宇空。咸豐己亥閒。與亡兄幾庭讀書處。青楓孤昔賞。積鬢禿如翁。

小園

習靜養空惟小園。鷹呼鵲啅不聞喧。塵勞淅淅融真觀。世議紛紛寢濁煩。磔砢病筮蒸出笋。便娟風葉倦依根。句文結習芟難淨。漫欲捐書七祖門。

將曉起坐

槐夢誰先覺。窻前漠漠陰。嗒然方隱几。涼雨墮空林。

復葺西齋整理書架連目勞倦拈筆戲述

薄宦半自生。無長物自慰。史役失真性。清俸賞瘠癯。大半耗買書。叢殘吾所貴。寒令妻拏。曠飽每魚鼠。乞先生若不聞。陵暴困萬彙。以滌世緣惡。如索諫果味。昨遭雨敗屋。穿漏蒸霉氣。油素厄狼籍。黴積黯如藪。石塌尤所愛。摩挲梁塵甃。連朝督獠奴。排比篇第既。經年架檣壞。支柱艱。位寘疲勞鶴。啄糧拂拭蟬。奪餼坐消一日光。汗流三伏沸。奴譏主人拙。癖此誰供屏。吾視亡羊均。所得若猶未。年長道未聞。忤俗喉觸諱。無能古人役。徒違今人誹。得失不相償。奴言發深歎。萬事況靡常。多藏皆可畏。榜懲子孫鬻。平泉復何謂。不如師苦縣。甚愛戒大費。翛然捐書游。無爲神所襪。

直晚

雨後槐街罨溼煙。連雲官閣靜緜緜。投雅稍向空枝泊。遷蟻紆從薜壁穿。城旦司空何日了。林閭翁孺背時妍。比來災異誰陳說。卻望更生奏一篇。

池上

清絕池光朝淡沲。蕭然林影午參差。用姚鏡塘先生句無人解賞東園景。只有丁令老鶴知。

夾竹桃

非桃復非竹。疑葉又疑花。合是菴羅種。休將度索誇。彈將湘水淚。散入武陵霞。材豈堪爲杖。江蓠莫漫嗟。

詠史

千年閑是復閑非。堪笑迂儒浪刺譏。何似張蒼隱柱下。卻能倚伏洞三機。

對月思黃丈

丈人玉立氣高寒。四海危難一枕安。惟有松梢一片月。伴公疏影酒杯寬。

層城

層城歌吹殷春雷。曲罷雲飛夜舉杯。蒼鶻妝成都講促。火城明處錄公來。芙蓉幔隱花枝笑。竹節丹和玉色醅。燭炮參橫人半醉。不知何處桂宮災。此刺時之作。

重九前一日作

天機局人事。冗秩未超然。病阻登臨興。喧逃文字禪。牆陰蒼鼠語。籬角晚花然。目送南鴻去。羈栖又一年。

陶隱居

近愛陶宏景。松風築閣牢。鑄刀名善勝。禮塔懺塵勞。逸筆雲崩石。方書藥漬醪。茆山不須駐。隱或寄微曹。

贈那祠部住十刹海

家住浮幢一海邊。霜風乍捲半湖蓮。金貂換去惟耽酒。曹馬牽來屢舞仙。曉入天扉依御仗。暮歸戚里徹輕煙。聯翩記取今重九。正爾揮黃菊綠天。

戲呈崇員外宋水壻

東闕透迤遠未央。青林綴露閃珠芒。天河澹澹星欲沒。桂觀沈沈漏正長。何似喬全隨賀亢。也應瘦杜和聲郎。真成柱下方書隱。抱牘參差雁鷺行。

砭交

寂寥張伯松。笑謝陳遵規。家貧斷來客。諷書借一鴟。嵇阮性韻別。鍛何樂而疲。不如兵廚醉。山澤澹忘歸。惠施說萬物。嚇莊莊獻譏。鮑叔德夷吾。卜相管沮之。相與无相與。素交古如斯。指趣各有適。鳧鶴不相訾。奈何末俗訛。好惡相傾欺。同已生毛羽。異則瘡痍滋。邈然不可卽。清風生遠陂。

哭趙新又太守

手書猶省字聯綿。物化俄驚倍黯然。湖上昔曾辭鷓鴣賦。廣川何遽夢蛇年。君權冀州。七月閒尙得手告。抄所作齒落詩相示。短紙細書。似神明其茂。乃一病不起。竟卒官所。此不可解也。種桑屋老今歸瘞。規杜書成定可傳。劉峻報君餘涕淚。神傷空壠劍徒懸。

座主阿魯特文山先生壽讌詩

威鳳儀卷阿。木瓜棧有餘絢。喬松鬱輪囷。巨棟含元殿。堂堂冢宰公。耆德冠邦彥。七葉金貂緒。三策天人選。靈根茁重穎。泛蕙光風善。魏科三百年。輝映景星見。椒掖首崇班。介圭專席讌。作輔翼璇樞。奇稔逾絳縣。閔通簿國計。簡要汰銓揀。敷歷玉帳符。冰徹靖傳箭。元舅鎮陪都。德弭萑蒲變。邊毗頌耕桑。清介謝攀援。歸然倚勳舊。澹泊去健羨。抽簪獨樂園。頤性止足傳。薊州穿芳谷。公有別業。制作極樸陋。公乎萬頃陂。澄渌絕泥濘。國人晞

再出霖雨灑芳甸。

盛代宴千叟。朝論望大儒。導源艮峰公。正學良非迂。伊雒輔微緒。湯陸識夷塗。如聞魯齋許。高正得安圖。
公受學倭文端公。贊成至元治。翼亮佐廟謨。豈惟山澤儀。度與謝公符。栖息九流表。震盪萬物蘇。學治融一源。作用管桑殊。藥言鎮薄俗。名理鏡世模。欣逢甲子周。春澗松醪壺。長生老復丁。梨棗顏迴朱。錫羨天章爛。賜筵太官廚。乞言國三老。靈壽中涓扶。以光總章禮。用鈇稽古徒。區區負牆賜。鑿括慚社樗。願言珥金管。名德頌愉愉。

又代

天章銜出濯龍門。錫羨三朝德望尊。往日祕書嘗賜副。他時梯几更蒙恩。章平遠業挈經術。伊雒微言見本源。清議交推人第一。晚棲綠野色逾溫。
小築名園獨樂宜。還如迂叟退居時。耆英洛社三公望。砥柱中流萬士儀。椒掖內宣霑玉醴。金閨通籍到瓊枝。具瞻再出清寰宇。溫國風規讐遠夷。

又代

峻望清標世所稀。紫裘試奏鶴南飛。九重錫羨加耆舊。三老祈言拜令徽。廟略動諮靈壽杖。園棲漫試薜蘿衣。他時再起陪經幄。帝鑑圖成佐萬機。

荆峴梁村有瓣香。豈惟曖曖內含光。澄銓不數戎兼楮。公歷官吏部侍郎尙書。整頓銓法。雖兄弟戚姬。不稍假借。墨吏望風斂迹。人不敢懷微倖。典計羞稱筦與桑。心學良峯傳一岷。手栽芳峪綠千章。祇慙社櫟無裨補。未逐清芝入藥囊。

又代

確慎書傳派不殊。謂唐鏡海先生。平生所得味經腴。澤宮待拜周三老。印杖欣扶魯一儒。竹閣蠶鹽類寒素。松牕

圖史入鉛朱。栖真心在穿芳谷。何用平泉石百株。

深衣卻掃一蕭然。誰識峨峨冠進賢。風節清夷垂汗竹。智仁融釋養丹田。道尊豈藉雲霄貴。世濁焉知松鶴年。迴溯臨邊舊時績。早應圖畫入凌煙。

又代

金貂七葉嬪韋平。公雅耽儒以道鳴。興慶內班三獨坐。靈光祕殿一耆英。早傳董相萬言策。會典陪京八校兵。身退勝堂宜綠野。不須吐納自長生。

胸襟雪淨養沖融。和氣春暄萬卉同。家讌長庚輝霽月。及門小艸沐春風。一生憂樂關天下。廿考迴翔冠侍中。我願東山望霖雨。嶽雲灑潤作時豐。

又代

華堂梨棗發丹顏。秩冠乾隆千叟班。覽揆喜鄰元晦日。銘功應勒浚稽山。夢爭王室神常泰。手校羣經意

未閒梯几中朝謫掌故。仙筇靈壽看頻頽。

清門世德冠神州。射策東堂第一流。早爿韋平傳舊業。壯從伊維慕前修。露臺抗疏迴天意。同治末。議修澁園。公三上

疏諫止。煙閣圖形佐廟謀。那識金張椒掖貴。依然儒素卅年裘。

平生熟讀敬齋箴。主一爲師世所欽。公榜退食所居曰主一之室。典選吏疑冰上履。澄懷月照霽時襟。木蘭毗有耕桑樂。

熱河園場墾地久無定議。後得劃清界限。行園無碍。毗安耕作。公之力也。元菟邊無桴鼓音。身退都忘爲將相。鑪熏一炷布銘衾。

波斯射利眩千場。片語廷爭賴激揚。洋人欲開官銀行。致官私利權。籠中國之財。操其輕重。內外已有成約。下廷臣集議。公時長戶部。力言其害。爭之甚力。事遂寢。心寄林

泉謝文靖。道存匡濟魯靈光。會徵高允虛前席。何幸彭宣謁後堂。猶憶隨軺江介日。紫裘腰篋喜傳觴。

送同年高舍人歸杭州兼懷仲修

窗光漠漠雲飛去。幾點林雅嫩朝霧。忽念故人當別離。青山一髮西湖路。我昔湖邊舊釣磯。卅年風塵溜素衣。石牀泉流如碧玉。當時種松今十圍。聞君築閣南屏徑。吸取全湖洲島勝。著書飲水足忘老。落日時聞煙裏聲。拂衣歸去辭京洛。目笑丹經臥雲壑。富春楓老幾回青。海上查還水方落。卻憶化書譚逸人。棄官全得水雲身。與君相對清如鵠。媿我爰居猶苦辛。

寄孝達督部師

嶺海頻年締造辛。譴訶終望荷温綸。并無薏苡珠堪載。未有蒲桃酒遣人。囊底羞稱樽里智。腹中差畏正

方鱗不如宴坐九華夕。隱去陽明只幅巾。

夜入掖垣同葉吏部作

嚴霜同往日華東。放仗千門月正中。一日呂安將叔夜。八年社燕伴秋鴻。幾時突兀班心立。往迹翩躚殿角風。前借君考御史。是日大風酷寒。試看御河橋畔樹。寒心未肯改春融。

同宿調何主客用前韻

與君同落樊籠裏。酒母官廚時一中。莎柵曾經躡高鳳。已卯年與君同巷而居。皋橋甚欲去梁鴻。枯槩颯颯真忘世。龕燭微微不受風。不爲君胡久留此。謝公佳處在能融。

削迹

江令已去清溪曲。嘉鄉歸數月矣。半年不到東園中。狂來掃壁作章艸。驚起落霞隨斷鴻。久傷俗流蹇淺語。安得一榻羲皇風。阮公削迹良有爲。醉倒物外天融融。

孤兒行

背負者何。仰天突兀青琉璃。疏星如石何纍纍。足履者何。地蕃艸木百卉滋。海爲血脈山爲皮。天私我耶。昭昭乎日月鑑我毛髮。地私我耶。育育乎澗澗飲而飢。舖糜嗟彼橫目之民。猗。交食乎地。交樂乎天。無適而非親。猗。言笑晏晏。承懽顏猗。捭豚燔黍。奉昏晨猗。三命之芑芑猗。遼乎其亡垠猗。風生百蟲之蠛蠓猗。

猶得各私其所天。猗胡畀我乎靈丁。愁苦食息墮。蟬獨爲有天地而亡。父母之窮人。猗無所於歸。還猗繫萬物之皆妍。猗命胡獨我磬猗。

夜讀寒山大士集

得道者如麻竹葦。經聲洶湧波濤中。亦有奔蜂化蠶蠅。試拈弦索送歸鴻。道人手未落塵尾。倦僕頭已觸屏風。塊然槃特亡一句。燈花爆落茶毘融。

又 錯用前均

課芽焦穀還生穎。點雪紅罍幾度融。聖諦非真亦非妄。厲言憐目又憐風。欲知兀兀騰騰趣。只在蕭蕭黯黯中。把似世人渾不識。枉於泥爪覓飛鴻。

大鑿真空禪師贊

上根性猛利。足下生龍象。蹋殺四魔軍。并敵摧一嚮。疊枯丈室中。萬籟瘖不鳴。言則一法立。彌空風雷生。照亦無所照。寂亦無所寂。寒月臨冰池。道人坐看壁。

尊客生日

跌宕三朝粉署郎。洗洋適志故難量。狝荅雞癘俄衰旺。楚屨凡弓孰在亡。閱世長安真似弈。逢時中散不嫌狂。看君素髮迴成黑。未用烏麻續曬方。

歲闌戲題

又逢島佛祭詩期。疲吏形骸瘦樹枝。拄杖鏗然震吾魄。何丈狂歌市上知者誰。憂時強聒甯爲智。逃世陽
瘖亦一奇。還仗晚松寒竹興。新昌儼宅已粗治。白樂天詩云。晚
松寒竹新昌第。

安般移集

詩續庚

集句 庚寅

清玉刻佩聯玦環。韓藥窗誰伴醉開顏。韓古人冷淡今人笑。谷九日馳驅一日閒。章自是秦樓壓鄭谷。杜

誰念幽桂遺深菅。韓平生性癖耽佳句。杜歸及春風斬釣竿。坡

爰居

爰居真託避風鄉。截鶴憐鳧孰短長。用事軍中非葛亮。爲工柱下有東方。無端造化小兒困。何處波羅提木參。一刹那間心土淨。候封蟻穴兩俱忘。

春城

春城無處不喧闐。夾靛流蘇被錦韉。游女傾城踢芳草。豪家編埒賽金泉。花明紫陌迎人靨。柳拂黃臺照水妍。獨有子雲牢落甚。晴窗帙散讀殘篇。

上元日立春

舊人難得看新歷。何況新春連上元。抱牘不曾逢醉尉。敲門且喜敵名園。是日四更。以吏事入神虎門。借小園子內憩坐。一老監八十許。能言

咸豐庚申秋北狩澤陽日事。花搖禁樹離離月。竹暗籬門短短垣。聽罷白頭宮監語。犀毗今已靖諸蕃。

早衙

早衙紛紛黍一炊。疲牛薄笨畏山陂。寮中醒醉從相笑。衆裏笙竽各自知。門臨爆竹驄喧櫪。花妥疏簷鵲蹋枝。誰信檄仙似園令。吏餘廚釀一中之。

見禮官牒預傳正月二十六日太和殿筵讌百官朝賀恭賦一首

融融春殿日初長。會見夔龍捧御床。花雨又逢霑大酺。木星新占守明堂。徐觀樂歲豐禾絹。獨媿迂材玷省郎。更讀受釐深厚詔。紫霞杯祝壽无量。

答和子培

入春禪病兼詩病。客慧頑空總未刪。忽枉新篇動寥廓。久晞家行得原顏。眼花已廢鈔書課。足繭渾無作吏閒。只欲低頭拜東野。逃虛伐翳藉追扳。

原作

沈曾植

竹堂不到幾旬餘。想見焚香淨漑除。禪誦有時還謝客。眼昏渾不廢鈔書。酒闌軟語春還寂。物外真游鑑共虛。問訊偃松新月狀。朝來步履更相於。

漳浦黃忠端公斷碑研歌

是何一片野雲根。黯黯千年化爲碧。風節常存時運往。大星寒芒墮瑤席。龍蛇背字出新意。研背有蘇文忠墨妙亭詩十餘

字翠蛻分書題石額。坡書自謂棉裹鐵。不鉤之鋼見心畫。全結培語兩賢踔厲相映發。元祐崇禎天地闢。流

傳今入楸郎家。石藏郎中覺羅廷雍家再拜寒具毋斲迹。浮生閱世眞雲煙。放眼孤光破羣籍。世言莘老不工書。吳興

郡將好事客。奇轡墨妙亭中散。壞谷春耕出碎壁。樵人往往拾至寶。公倘輅車得茲石。忠端公以崇禎三年庚午典浙試。時年四十

六。是冬除右中允從此雷破玉帶生。南北隨車共晨夕。良工滂礪斲山膚。詰拙崩雲鏤沈魄。雖無石鴿活雙睛。卻

供洞璣注三易。意者白雲東庫下。楷隸孝經高一尺。意者大滌精廬中。整齊百家義。凝積意者辰陽瘴煙

窟。反騷頌橘形神釋。意者石養丙舍旁。講學諸生環請益。意者出師仙霞關。四塞四通建奇策。措危仗汝

相倚依。愉豪狂行惟所適。一朝浩氣馭長空。大星欲落滿海白。南冠遂與鼎社陞。北望難迴陵谷圻。石乎

石乎何處避。朽屋荒厓幾艱屨。竹垞公孫欣得之。風義隔代兼家澤。秀水朱文恪公。忠端座師也。竹垞文恪曾孫。嘗得此研。綴以銘。張孝廉燕昌金石

契。以爲忠端自銘。似止見拓本而誤也。乃知神物有精氣。後來摩挲如竹帛。捧之再拜篋千年。不敢輕供凡手役。石研之歌止

於此。發家人間小儒嚇。

諦觀戲鴻堂樵刻墨妙亭詩。每一字鑽轉處。左右界畫全失。張芭堂所樵研搗亦爾。此石殘字分行

布白處。神采逾逸。界畫秩然的。知爲長公手跡也。或疑爲非長公書。不知蔣燦所書。乃公所作墨妙

亭記。非此詩也。況詩中有書來乞詩要自寫之語。尤爲塙證邪。光緒庚寅九月昶又記。

梁屯田挽詩

梁氏風流工艸隸。不翁遺墨到雲孫。趨曹同困移中役。作誅俄傷柳下屯。真率猶應砭末俗。支離竟爾鍛孤鶩。遇騎不作陶潛賦。茵溷都將石火論。

二月廿九日尊客齋中宴集伯羲祭酒出睢陽五老圖共展觀之以聞多素心人樂與數晨夕分韻

作詩記歲月予得素字

春物暹暄妍。西山菱煙霧。幽人三徑開。衆妙欣同趣。淡言娛物外。簡略忘世故。稷下老荀卿。羣言得程度。

東窗透深明。洞然工作圃。閒情寄鷓鴣。世緣息蛇蚺。返宋寶遺真。酒半拓縑素。王孫肱所藏。伯羲爲肅親王豪格之裔。

仕履費箋注。越賢懷正獻。精爽歷呵護。解龜慶歷中。墊巾謝浮譽。杜祁公以慶歷七年致仕。退寓南都者十年。或勸公作居士服。公曰。老而謝事。尙可竊

居士名耶。聞者悚然。今觀遺像。烏帽緋袍。革帶皂履。正與史合。南都築寒栖。勝集招退寓。諸老皆蒼顏。真樸發深寤。俗醜貴介立。時季思

巷遇。座客各肅然。呼僮斥寒具。就中同甲生。盛陽沈三君齊年。又皆以是日生。古心鞭响响。風流重躋攀。妙墨列衆疇。凡

二巨册。洪文惠文敏范致能。虞邵菴以下。題跋如林。棚鶴未登朝。行年未云暮。莫放酒杯空。童顏且須駐。慶歷中。歐陽公蔡君謨余安道三人。同爲諫官。時稱一棚鶴

見王鞏筆記。坐有三。人將同入壘。故借喻。

題天台王水部 彦威 之母夫人秋鏡課詩圖

世事百蟲沙。憂喜相紛繞。涉歷非一途。窮厄信大造。頗能齊物觀。榮枯任傾倒。惟有童時心。孤露困兵耗。

悽惻庭闈言。記憶我稍稍。展轉不能忘。籲天時自悼。今觀王子賢。焦尾抱庭誥。有母敦詩禮。和平得天苑。遺篇三十四。一一珠璣好。吹鐙寒青熒。中有不黔竈。百徧鈔遺經。課兒心口到。聽之常鋸觚。文字戒剽盜。我雖未見圖。傾淚神先告。尺縑失復還。崎嶇天慰勞。上有匡廬君。益策道原操。嗟予何能詩。涉筆心陷陷。卻誦止觀經。懺子螻蟻報。械械東禪林。王氏舊居在東禪巷。冥冥西溪隩。輸君性行篤。白華行可毫。

答松岑問近狀

鍾山木杪子營亭。枉辱書來楹憶莛。江總苦空猶滯相。郭棊枯木已忘形。欲依真誥除丹白。更謝經生眩紫青。近狀真成頑似鄙。遠期鍼石與相硯。

遲菴公生日

上尊霑渥自層霄。七葉門風珥漢貂。雲母隔屏參獨坐。桃枝仙杖賜中朝。器周邊璫如親歷。紛解微言使衆消。履屐之間餘事逸。時於筆札見神超。

碧幢記泛浣花船。集杜傳鈔百首編。胎上風標仍笠屐。華泉名句出瑠鑄。碎金一卷人方寶。擲地千聲賦早傳。獨有經營夷險志。低徊難以弱豪宣。

王翰林搜集古今輒研文得數巨册屬題

翛然嗜好殊流俗。石墨心摹更手追。七客寮中捫玉帶。二王輒背出交螭。天池禊會神俱逸。海岳風姿像

亦奇。

皆冊中所有。

便欲與君箋老去。硯材穴石筆松枝。

秦公緒會稽人。嘗山居穴石爲硯。注老子。

相國張公八十壽讌詩

正逢衢舞祝堯年。千叟推公冠法筵。華蓋方輝天貺節。析津今見地行仙。北平侯有元經癖。南極星依絳闕懸。不待還丹成竹節。方瞳日譜手親編。

飛黃少日籟雲馳。得第東堂玉一枝。清切石渠頻艸議。雍容金殿久論思。簪豪省闕多陰德。弭節嵩陽作吏師。題徧龍門龕幾壁。行轡馴鹿日相隨。

千里金隄護轉漕。吳童騎竹迓旂旄。人欽暗室懸虛鑑。吏畏新硯出孟勞。物癘消還祛水旱。天機精亦借林皋。莫釐洞壑連林屋。攝取丹青仗弱豪。

粉墨閒情寄作家。南皮名掩蔣南沙。春淙筆掃支硯瀑。淨綺囊收甫里霞。丹壑屢哦松化石。碧城真摘棗如瓜。父兄僕射吳民誦。蕭澹都忘吏檄衙。

未持龍節鎮延津。再入蘭臺物望新。雲母屏開專席貴。金蓮燭迓內官頻。儒風儉有青絛帳。湛露恩霑黃目尊。佳兆簡公登百歲。石華久輦取刁遵。

刁遵碑。今在公家。遵之父簡公雍。年垂百歲。與高文公允以耆德侍中。禮遇最渥。

昨逢雲錦貺天孫。夙兆汾陽吉語頻。覽揆司農踰兩日。鄭司農以永建四年七月五日生。方聞伯厚早兼旬。王伯厚先生七月二十九日生。木樨香徹兜羅手。金粟花開清淨身。敕賜上樽清且旨。飯抄雲子伴澆春。

頻瞻梨棗發顏丹。食品堯廚賜玉杵。濟勝卻攷靈壽杖。散齋還御進賢冠。桓公講憶華光直。白傅居依履道寬。再錫奇稔如召伯。喬倅定捧藥雙丸。

良輔乾隆史文靖與嵇文恭重開瓊讌絕撲躋。瑤林亦實綏山北。珠樹青鸕弱水西。洛下五更周澤陋。建初三

老伏恭齊。中天賜榜星雲爛。頤性親承御筆題。阮文達公。晚自稱頤性老人。蓋取御賜壽扁中語。後又改署節性老人。作召詔節性惟日其邁說。以白敵惕。蓋進德不懈也。

哭施均甫

輓迹金門暫合并。決疣幾日讖君行。青冥得路看垂上。紫氣深宵忽掩明。同輩雞栖爲尊氣。防秋虎落失知兵。榮枯事往真彈指。猶憶陽關送遠征。甲戌與君同報罷。君西游涼隴。相送逆旅爲別。此景猶歷歷在目。

生死交情張僕射。突過仲則遇靈巖。謂明齋中丞。橫行萬里忽折軸。命直三星難避讒。物情似厭困陵暴。筆勢

誰更窮鐫鑿。湖海此材坐歎息。眞成逝水逐驚帆。

孰使新亭收泣者。圓機濺濺乃爲卿。柳生左肘看俄化。碁局中心自不平。穎上灌夫猶使氣。移中病監未忘情。道旁日長新蒲柳。獨遣枯櫛不再榮。

平生殊趣術相忘。張疎陳遵孰短長。湖墅對牀連日夜。乙丑丙寅間事。天山乘障飽風霜。窮探流略猶難竟。結社

應徐半喪亡。惟有屈蟠碑一片。賴君洗剔出龍荒。君在阿克蘇。得劉平國磨崖石刻。

木槿枯死

我爲林下客。乃見汝榮枯。放竹干霄浩。留窗待月疏。道心無晦朔。物態有乘除。剗卻空華幻。虛堂伐翳初。
漫語

力不能勝世故叢。竹窗深處得逃空。青落黃葉漫階壁。著个繩床漏盡通。

慰鄭蘇龕落第

衆妍氣皆喧。靜觀孤鳳奏。百翮向明飛。清唳失霜候。浮榮固澹忘。席帽厭宿留。箭出東洲勁。句壓南服秀。
苦心采者誰。老斲深谷茂。迹滯良亦佳。沈觀道機透。袖書典藏室。朗咏喜銜袖。得喪付蚶蚶。鍊骨濯堅瘦。
偏心多所悟。與子如夙舊。隱朝閱朝菌。萬物欣在宥。洗洋卒歲資。瑩淨卑棲陋。

和

鄭孝胥

短翼無高翔。拙射終虛殼。旁觀騰椰揄。孤憤積僂僂。推擠苦廁足。憫默窮束味。判償塵土債。聊溷車
馬驟。坐曹期卒歲。隱几送清晝。驚披蘭臺句。語妙紛奔湊。道機元自熟。慰藉意良厚。六街愁昏霾。熱
風不可鯁。卻思高齋冷。綠陰翳庭霽。先生演名理。出入莊御寇。云何挂懷抱。感事眉猶皺。生平慕齊
物。得失奪遜遁。詎能忘牛蟻。息此牀下鬪。方當愧君語。陳義高難筮。栖遲幸相裁。免負當時諾。

張季直將南歸

從軍風雲氣。函雅龔俗恠。養空敵世機。踴步蟲網絀。一息斂深深。涉歷希耿介。幽芳披朝華。老珀遭腐芥。

木雁命皆踣。天地悟方隘。欲浮蒼溟去。一洗青邱懣。語我田舍樂。不待干畦薤。危跌竹嶼釣。晚涼風雨快。扁舟訪道流。洗耳窮警歎。進乏諧世姿。退保垂堂戒。嗤予吏囚拘。曲全防意敗。

今晨追送不及悵然作詩

吏返君已行。煙波望淮海。高齋幾夕談。萍蹤復焉在。場屋有宗工。翩翩失李廌。怡然出修門。養氣全真宰。我思援神契。三命良費解。素抱祇自知。遇齋彌柯磈。行善未得善。風雨鳴無悔。幽蘭秀空林。失時香不改。此意近所希。矻俗繫君待。媿無書薦禰。何日臺招隗。悵然驅車還。青霞爛餘彩。

從弟北來談里中事

會合懽荊株。變遷傷里閭。問君里中狀。次第戚與疏。隣曲春作社。荒田夏燒畬。營墅幾復業。引泉幾穿渠。故桐尙依井。新竹尙生墟。孰首梵筵席。誰臨釣師居。山中多道流。招隱或開予。答云物力彫。有甚兵火餘。親知異存沒。聚落亦榛蕪。去年水患劇。龍鬣穴山陔。儉歲弦誦少。廢圃無人鋤。遠想增慨然。我安適歸歟。賴有君山青。不改丹霞舒。終策令威翮。返我班生廬。

矻五龍甘臥法

逸情遠性。神舟谷藏。雲上風疏。匪主故常。不醉鄉之隱。而隱於睡鄉。兀兀騰騰。襟見夢齋。坐忘字泰。定竅天光。觴豆堯禹。兮父老義黃。三公螻蟻。兮萬桀秕糠。哺飲食邪。旦田獵邪。蘧蘧者蝶邪。庸詎知其孰爲搏。

控而孰爲之維綱。吾恥爲雲臺觀之流于方技。而師漆園吏之畸于人而全于天。窮年適志以泔泔。

鼎甫山長自嶺南遺予一研卻寄

先生著書枕榔林。端州石室曾孤尋。高正弟子屢常滿。孫季述讀高足爲高正。云即弟子職問正何止之正。礧錯成化爲球琳。虛堂清

嘯卷書坐。峯見紫氣層厓陰。夜深雷電裂巖腹。星貫入石森沈沈。命僮攜鏡往。斷取詫得異石逾南金。良工剗製缺一角。地有駮坼東南濤。殿前諫官少顏色。班心魚佩朱衣瘡。孤懷礧礧落江海。瘴蛇妖蜃不敢侵。故知造物慰幽寂。吏遺褚暉詒同岑。辛珪蒼璧入吾手。細初鏤字宜銘箴。豈殊獨漉寄貽上。兼以漆書投杜林。行辭手版訪壇席。招公歸隱西溪潯。卜鄰息壤有如石。墨突會遣窮年黔。

戲簡灑雲上人昌化縣人

不見雲公竹解稍。龐居士亦滯西郊。逸身只用三條篋。容郝應支一把茅。赤瀨紫溪歸未得。山靈木客久相嘲。欲從結夏如鄉社。元叟新銜已署醵。

大雨後

小園連雨似陂塘。蛙吹侵宵兩部忙。天氣陡如秋作冷。一枝紅蓼浸滄浪。門前澤國斷來車。南陌東阡盡可漁。天遣交游謝陶令。閉門草答遠公書。來禽乍熟雨低垂。枕落瑤如丸走陂。童子敲殘山鵲啄。離離猶賸最高枝。

新校桐溪舊德吟。四兄巖庭手編多應先友列碑陰。詩中半寫溪山勝。當作圖經一卷尋。

淫雨爲災象已成。萬家屋破盼庚晴。物皆愁思竹偏喜。無數龍孫看怒生。

寓廬爲積雨所穿損短述

脩門敗屋糊繭紙。綠淨金迷差可喜。月索朱提常一流。幕燕茗鳩供憩止。晴張畫軸拓鴉叉。風展疏窻支碧綺。華堂上壽客捧觴。玳筵行炙肥刺齒。一朝淫雨情勢見。上溜旁穿百物毀。如蟻穴隄隄久搖。良工勿諱乃足恃。主人不寤屋蠹朽。直突誰言薪預徙。內無拂士敵晏然。金甌無缺良眎此。要知安樂多所忽。苦口七篇鑒在邇。葺垣植椽晚收功。莒城甚惡非苟訾。雨乎真當諫臣書。茆龍更衣請今始。

與升吉甫劇棋

剛勦今成遠指柔。多君風格尙能逾。疏簾清簟困連雨。碧落朱絲當勝游。袒或牽羊常艸艸。泥看鬪獸亦悠悠。諸蕃蠻觸方狙伺。一笑先生吹劍頭。

簡蓴老

十日淋雨不相聞。漠漠八荒同一雲。裹糧未得看子祀。八臺行將冠惠文。北山腥風老蛟出。南苑盛漲飢鴻羣。不恤飯魚茆屋破。會上災異天扉云。

陪納言黃丈生日宴集紫藤精舍奉贈一首

勁草有指佞。神羊能觸邪。史以爲瑞物。書之比騶牙。況人中屈軼。爲瑞尤無涯。納言起甌越。萬丈東溟霞。精爽肅秋嶽。藻辭刊春華。文節與文潔。蟬嫣忠孝家。泠泠朱絲絃。奏雅卻鄭哇。鬱鬱孤生松。附枝無一斜。緬懷同光際。國論洞癥瘕。風會工揮持。廢疾起瘖啞。於時職左史。日御正歲差。月費百番紙。諫草縈龍蛇。廷舉白獸檜。緯斥潛潭巴。曲學阿世者。望風匿其瑕。丈人朝舊德。清亮心無他。孤標鎮浮俗。奇芬振天葩。五嶽已登四。輜傳徧幽遐。伐翳貢竹箭。採風錄皇琴。已開老更秩。肝鬲吐槎枒。自有活國丹。不待灌河車。城西闢杜治。嘯詠溯朱查。地僻類巖阿。酒熟桂始花。社有庚桑祝。座無齊客奸。林風發清籟。歸炬動栖霞。醉扶綠玉杖。顏渥丹邱沙。羣士得所宗。輪囷倚叢葭。乞言敦古義。世運齊隆笮。

讀法言一首

周士貴而肆。儒術興比閭。從臣第嘉頌。君相亦流譽。秦士賤而拘。賢達困斗楮。握觚者朋進。治痔驕得車。子雲老寂寞。斯言聖矣夫。頗譏切世變。憂時生痛疽。君子道消矣。養性期逃虛。姑讎天祿籍。癖謬老蠹魚。林霞媚夕檻。園翠引朝裾。招來班嗣徒。酌酒僅有餘。

奉題山陽丁儉卿先生小照

頤志齋成四譜編。詩三家又廣搜賧。一生心折柘塘老。林壑優游九十年。

禁夜

中天夜景湛虛明，倒影霜林浸碧瀛。殘月離離挂高樹，疏星灑灑麗飛甍。乍聞長樂徵鐘出，稍辨餘皇遠火橫。應有鶴鳴知夜半，用小雅篇名意湛冥誰識此時情。

尊老枉訪值予未歸次日戲呈

文書銜袖朝參吏，每逐歸牛晚苗迴。聞說客騎聽馬過，不曾荒徑掃蒼苔。稷下羣言仗總持，捐書班嗣俗常訾。造門忽荷楊雲賞，似許栖遲一壑宜。城西菊市漸應稀，蕭瑟寒林露酒旂。白首端公一迴訪，買花親壓滿擔歸。

答

李慈銘

閉門久學寒蟬噤，一訪長安臥雪家。吏謁未歸鈴下睡，滿庭凍雀噪寒花。卅年寂寞衙參吏，短髮羞簪柱後冠。正是輕陰天欲暮，且同松柏守山寒。

玉壺冰合嶸山雪，絕妙蘭臺一卷詩。昨示予己丑年所作詩臥病凝香休假裏，抱書吟過歲寒時。

寒夜獨謠

紙窻竹屋終寒窘，那有斑絲倚隱囊。靜夜風甌清自語，伴予讀畫更焚香。

偶然作

太常齋日三百餘，錙伶沈醉三萬日。彼直寄焉逃世詬，塞兌至言將不出。我今不飲復不齋，支離其形難

究詰。昨誦曹溪一句亡。頗覺中邊皆似蜜。龍宮蝸舍無不可。螺贏螟蛉悵然失。

陸賈

淇濁難堪莊語徒。曲全惟有社旁樗。君看北海孔文舉。何似西京陸大夫。片語解紛平與勃。千金游囊越兼胡。沈洋俯視長安弈。暖漢調啾泛水鳧。

右軍

搶攘江表欲辭紛。種果惟當老右軍。卜墅始甯工作達。寫經曇礮寓斯文。廣陳爛藻披支許。稍出良規折謝殷。服食近來殊劣劣。戎鹽一味乞還欣。

夜聽十一從弟談鄉事

月出庭樹靜。雲寒夕光清。養日喜暗坐。撤彼松膏燧。勞筋息倦役。暫寂幽憂生。鄉談聽子季。瘵飢當蓴羹。市井迷舊嚮。堰步開新坪。十月灘舟滯。水石軋霄嶂。縣南圓通寺。相去裁牛鳴。荒年夜有虎。樵牧乃戒行。前年山水發。龍移層湫腥。溪流瓦屋脊。田坼碎沙并。隳突數村壞。崩岸聲雷碎。客民山棚列。萑蒲出縱橫。令長不敢訶。白晝赤丸瞳。嶺頭炊煙少。蕭蕭竹抽萌。山魃窟木石。未晡關柴荆。山中不可留。蘭桂獨揚英。予欲反招隱。暫掃鄉愁櫻。

傷逝一首

爲宗室竹坡侍郎作

奚止瑀餒景物才，謫官未足禳千災。英流石抹前言戲。戊寅秋同上翠微山。戲謂君備守危城如石抹宜孫。予將效犛眉公相助云云。緒哀長白寶幢生不易。飛黃朽索首重迴。孤忠何異三閭切。卻爲天家惜此材。苦調山陽觸

答雲門

鞭絲再入修門道。閱世棋枰萬事非。笑我霜髭侵老大。健君詩格破森霏。吏如槐里朱雲雋。調似宜都白雪稀。學道年來知用短。甘輸天馬脫塵韉。

向子培借陳茂碑搨本一觀

世緣局東面生塵。欲借驚鴻一楸神。妙迹千年暫攜示。歐陽公集古錄著目後久亡之。莫疑壩面酒留人。

王可莊出守京口

固知素抱終遺補。豈厭承明去直廬。溫旨試君親吏事。碧油幢引向南徐。不到松寥十五年。閣中僧已半華顛。就君欲乞茅庵住。一訪州民焦孝先。卜鄰杜曲恰成村。雁去鳧留春夢痕。未買江南黃篋舫。低徊祖帳出青門。

太室二首

太室峰巒石闕漫。金題玉冊付祠官。濯龍殿祕光俄掩。鴻寶書傳字已刊。曾索投壺天一笑。虛期執戟朔多端。重雲蒼閣屢難達。恨少王喬捧藥丸。

牙橋蓋海總樓船。艸議當時侍奏箋。雲母盤殊長卻御。濟陽宮敞待標鑄。東封氣壽舟蛟守。西景戈回隄。駟遷神麗昭融動南頓。榮光赤瑞正連延。

夢還富春山中作覺而足成之

栖遲薄宦寸心遠。松菊田廬久已非。忽買扁舟動高興。便治藥圃著羅衣。刻籐萬里孤雲健。華表千年一鶴歸。親舊纍纍幾新家。且持社醞叩鄰扉。

再和雲門

詩才荷麗屬夷陵。迴雪流風和不能。君或過秦吾媿谷。傳衣未許妄擔承。

縵堂老作開堂宿。警效風雷出病頤。誰是南能誰北秀。秤量喚取沈傳師。謂子培。

冬夕

空庭無一葉。宿羽未安枝。初月織於玦。疏星散作基。松陰圓乍轉。竹影薄方移。靜領枯禪趣。安排付小詩。

東林

東林西林老禿邱。南寺北寺清新游。凍鐘殷床有短韻。荒學問字無長頭。所居坊後有義塾。毗耶居士坐槁木。長安

貴人如海漚。夢入南屏獨庵裏。巖冰千筴茶一甌。

題長沙瞿封翁自濟圖

圖中自寫少壯老三身。共操一舟。野逸之態可掬。子久學士之大父也。邵子詩。也能康濟自家身。封翁命圖。殆取此意。

龍不恥泥蟠。元覽响昭融。鳳不憎山栖。培風斂奇翀。所濟在一世。藏用恆抱沖。舜耕窮山深。心與木石同。孔隱緇帷几。曲肱聽松風。所濟在一身。眴然志无窮。法律自繩己。經世仗孤衷。氣象肅而舒。赤鳥垂春容。濟自一身始。樞得其環中。履屐苟失任。遑問措畝工。筋骸不自束。遑問蘇疲癯。瞿公達斯旨。抗心超鴻濛。寓言實非諧。養氣埃其充。洄洄有古槎。得非河上翁。孀孀松標厓。真游鬱浮空。彈指去來今。面皴觀河通。玉貌變雞皮。堅如甘蕉叢。三身幻少壯。四智悟洄澍。交食乎厚地。交樂乎高穹。逝者未嘗逝。終者無有終。浩然風霆行。泰壹返璇宮。形敵神庶存。克治積微功。君子慎居室。冰谷課幽忡。演孔刮老佛。皎鏡開昏蒙。示人以津筏。苦心言雁鴻。何必涪溪厓。何必蒸水東。沿洄棹中流。青蕩收釣筒。自濟濟天下。年運齊窳隆。請陳隱君義。蕤叩慙恫恫。

又題瞿太母湯夫人分燈課讀圖

雪窻松肪讎細書。宜西坊居瞿學士。爲言大母茹艱辛。展示遺圖淚漬紙。湘西茅檐門積淖。手種三松風葉稍。短檠分照一絢絲。直榦鬱爲三秀孝。我憶江樓侍紡機。山邱幽翳黯春暉。先大母單蒸人課諸孫甚嚴。伯父我團公作夜紡課孫圖。敬系

以詩。圖亡于兵火。欲追摹未果也。

發潛還乞採風使。史筆仗公能表微。子久嘗厥學斷中。

西郊賞雪晚攜酒過薛十八齋中飲

西山皴處蟲嵌空。蕭瑟千林望不窮。一鵠足拳瑤樹杪。萬人家遶玉臺中。天心不使疲農槁。歲事欣占宿

麥豐薄晚澆君小蠻榼深杯莫厭興迴融。

奉上榆園三兄江上幽居

門對千山雪滿湖。釣師送酒餽彫菰。幾時歸侍團瓢坐。看注真靈位業圖。

過都虞司懷洪北江先生

萬言朝上夕湘纍。意氣磐紆不自危。念念玉門行萬里。昌陵猶是聖明時。

省夜

天河瀉練素欲滴。殘月嵌空黃映壁。平頭撥盡豆蔞灰。火種微茫無處覓。卻似黃山老衲庵。雪筴打窻寒齒擊。千年不調乾殼蝸。半偈罷持穿石鏞。時還摸索永嘉言。見道忘山喧亦寂。

讀朱子行視武夷精舍詩有感

世慮撼浮胞。學道意不堅。譬如火守膏。慮與之偕遷。一朝壑舟失。兀若朽株然。蓋缶嗟何及。曙戒毋忽焉。超然空同子。朱子注周易參同契隱其名。署曰空同道士鄒詠。外物多所捐。晚結事外契。早息區中緣。卜居大隱屏。縛茆栽三椽。曠莽次第闢。虛舟縱回沿。招邀夙素侶。昏旦憺周旋。行則翳勁松。漱則勺清泉。襟期無天闕。講貫意所便。高風颯千載。邈矣荒榛煙。吾欲往從之。遺遠殫簞牽。顧惟蹇劣者。礪溜朝通川。願執酒掃戶。聽經館壇前。縱復無所得。柴棘日除湔。縱不凜警欬。寤遇肱陳編。抱冲至篤老。意愜坐忘筌。

侍御李愛伯先生同年樊雲門令君連枉佳章齊混沌於蛾眉驂跛足於綠耳賤性繆迂素畏標揭
獎借非分祇增顏汗篇中之意焉敢違荷顧雅命不可以虛辱也勉竭蕪鈍仰答至言聊以拾磔竊
附後塵云爾

縵堂風力晚逾勁諫艸久具病阻之毗耶一室藜穿榻神清峙鵠形支離戲拈風雷出餘滲瑯刻草木建

鼓旗背孤擣虛布堅陣健筆摧場千熊罷評量籍建意刻幅六喻飛電搜蛟螭詳味詩中章法源出金經六如

奇不可控搏矣雄詞萬物困陵暴日借往史鉏奸欺迴斤乃一斲散木羅縷碧樹黃茅姿公詩警禊帖祖本對越

跳擲天人儀米評王書云莊若對越後如跳擲僧虔子雲希筆訣未得骨髓空撫皮金丹那許換凡骨體勢峻庸交失之觥

觥令君稍得筆驚鞞逸翮不可羈珠林璀璨映落絳雪劍舞凝停迴柘枝肱其咳唾妙一世穹巖窈壑難攢

追五雲太甲穿穴祕巧歷往往窮箋攤坐瘖羣士癡爪嘴何忽伴卻藏幢摩強捉蕭家孃姥隊當君蛇鳥

縱橫師兩雄往復益恣肆撼我瘠樹黏蝟枝風梭未必橄欖似氣味或許蟾蜍宜皆來章中語轅生止辦圈刺

齒老作散吏饑寒飢就令梧鼠出應閒鏤冰畫脂空爾爲楹筵施厲互嘲諷朝夕迫窘穿肝脾頗染東京

黨人習浪出品目膺滂期至言久紕世語勝聊復箭映相娛嬰惜哉語妙抵聖處不使抗議侍天墀何當

故技盡捐黜築室靜臥蒼江厓遺經潭思囊宙合發揮玉杯清明辭卜鄰南江有夙約世諦藻語芟其戾

拘學一掃文字障請挈萬古光芒迴

鑑園有小水流入十刹海隆冬不涸不冰亦異境也過而樂之
諸天碧海凍此水獨濺濺卻似仇池脈潛通小洞天。



安般窻集

詩續辛

庭花此指唐花。非春花也。 辛卯

庭藥開且落。潛引早春融。寒消漸不覺。點注鬪輕紅。茵溷無心遇。那繫拙與工。南枝慳不放。未肯媚暄風。物色隨榮悴。吾道齊窮通。

人日括賀方回詞意

釵梁花勝賽年時。惟有文園減鬢絲。欲寄南書無去雁。佳期付與碧雲知。嬾拈綺語出花前。畫省郎官滯十年。那有清歌熨寒夜。宜春自寫衍波箋。

春風一首夜起作

春風聲酣闌野屋。驚濤夢簸下江船。夜窗人靜花含露。鄰舍燈明竹罨烟。浮世發硯無妙斲。沈思入爨有空絃。不須更惜前懷抱。只合收身老蠹編。

酬蔡千禾同年即送共赴蜀中倅

久滯鴻都國子師。一官落拓向巫夔。中郎妙迹留刊石。揚子元廬訪翦茨。符竹佐人成坐嘯。餘丹飾治博

生祠歸來更卜吳羌麓。晚約談經共抱遺。

一雲

一雲沈淪欲界天。天花飛下著積肩。無端嚴淨華鬢勝。打破堅城百丈禪。

又

一日心光迴向真。育王塔下懺除身。老陶高築松風閣。根淺須持戒律新。

仲弢太史初度以小詩奉侑

第一番風第一花。雁湖囊取赤城霞。香山樂府香光筆。代嬪光芒有作家。白文公正月二十日生。董文敏以十九日生。

春華秋實久分途。公欲兼通所挾殊。文囿仙心籟東馬。史家通例發南狐。

重穎靈根不可倪。本朝地望重劉嵇。諸城錫山。清門誰識崇名德。不數鳴珂帶有犀。

永嘉諸老典刑存。乳穴融成水碧溫。別有至人丹訣在。不隨時輩擷巨言。

恭閱慈禧皇太后仿世廟畫蒲桃御筆

幕天匝地起濃陰。馬乳垂垂密葉深。氣勢開通玉門堦。遠規廟略挾靈襟。似出橫風密雨中。生香活色奪天工。不須更護龍孫竹。勁倚西天玉一叢。

恭閱聖製畫竹御題曰雲痕煙影

千葉煙籠玉鉤環。一絲雲護鐵鑽紆。直將古籀縱橫意。灑作丹邱墨竹圖。
遠韻榮光乍合離。鵝溪尺絹萬尋披。靈根定種瑤池曲。俛眎鸞鉤柯九思。

戲咏肺病

一冬陽不藏。六賊風遂伏。津液皆變痰。梗此玉咽宿。猛攻芭蕉堅。唾作地榆簇。有如一丸泥。元關鎖函谷。
又如土囊口。迫峽急湍洑。南風攜不支。左角洶相逐。齊鼓爲之瘡。彭尸緣隙蹴。衆竅嗆復張。三機翻且覆。
嗟茲要津地。理宜清且肅。邪氣入據之。內淫互句族。和扁袖手觀。藥力不可漉。姑聽其消長。在宥不汝鞠。
一朝還清明。氣息往而復。老火濁徐消。稚金初返服。吾何所欣厭。熱爾觀槁木。戲語子培云。近革囊四大中有不安靜。予惟以定力勝之。

禁中早春

華林連桂觀。太液遶瓊臺。宿鷺聽冰解。新鶯囀樹來。綺沙汀隱見。複岫路縈迴。碧暈烟際草。香發崦中梅。
至治貞觀靜。春輦叩門開。鬱蔥佳氣轉。聖壽頌康哉。

上燈日

亭皋晚市閉。林表春烟微。火樹繁星出。華燈碧月輝。聲喧三日醮。香颯六銖衣。人隨鼓吹殷。歌逐梁塵飛。
一作銅車流水去。瑤吹彩雲飛。蕭椒龐居士。何能獨掩扉。

鸚鵡眼研銘詩

其製古朴肌理堅。鸚之鵡之青瞳。瞻面背各一瑩。匪鑄如星貫犀。妙自然。蘇舜欽詩。海犀望星星八角。凝滯一點黃暈。鮮山根綫溜穿千年。若然目牛形無全。仰眠天員俯地員。潛地而地天而天。矩分立臥心闡擊。窮高極深。鉤其平。人天法眼刊言筌。深耕熟耨此寸田。擊之不舍石可穿。

月夜遶景山下詣苑門

長簷載去似吳艤。透碧頗黎竅兩窗。夜景澄鮮雞喔喔。嚴更茗帶鼓絳絳。堦燈破霧行相引。波月銜珠未。有雙。宛似江南曉行色。青山紆曲障蘭缸。

小壺天

烏霧松疏碧。汀烟柳嫩黃。浴鳧低拂水。響鴿靜辭廊。畫戟排衙仗。金鋪對霽堂。壺公隨地隱。在處得天光。
十洲槎臣同日朝。正西海子恭記

禁柳烟消鏤稚金。波融太液與恩深。瓊臺仗下千官肅。紫殿墀頭八校森。
卅六天中日正長。瀛洲春麗幕榮光。新添一部饒歌吹。天馬西來帝道昌。
貴霜五翎候排班。耳飾斜簪碧玉環。都作嚴裝紅帔首。一齊吉語粲天顏。

輕霞隔海率陀宮。萬善殿與紫光閣東西對峙。章廟清修法會融。卻似波旬冠瓔珞。蓮宗環禮座當中。

魏徵勸我行仁效貞觀元龜屬景陵。家法一誠通異域。聲光四徹被中繩。
軒皇御世動如神。妙用猶龍若畏鄰。千載漢文知此意。南佗北頓氣俱馴。
糾儀墀下侍臣冠。記注當時豈飾觀。須識宵衣勤法祖。會看月竊共年班。
聖壽南山永媿崇。嵩呼雲氣出封中。傳宣天語淪肌髓。太史今朝奏景風。
金葉書傳手自裁。左言畫革字縈迴。胡柯大夏天西至。異鳥條支海上來。

璽書赤伏署公孫。清晏安和總主恩。

北史云。魏梁通問之書。舊式每云。想彼境內清晏。此區夏安和。魏伯起改新式。但云。想境內清晏。今萬國安和。去彼此之稱。書體遂定。

志在

息人邊自靜。記稱黃石有微言。

賜筵法酒出天廚。脯擘紅虬玉作酥。筦讌錄公中座起。從容彈指過詩闌。

此借叶。

太液池頭乍囀鶯。融融春漲穀紋平。東皇昨夜驂鸞出。吹徧瀛洲綠草生。

賞花垂釣舊儀存。祖德如天詔敕溫。長頌君王修故事。守成今見聖雲孫。

八伯歌風堯外臣。逸書王會作箋新。

何比部秋濤。作周書王會解箋。未之見也。

廟謀釣築收賢輔。自古平戎在得人。

春日偶題

睡足肢體融。

樂天語。

懶久神氣足。

榕村語。

未離欲界天。略證清淨錄。君看物生萬。何曾有修促。池面幾曾皺。年

年漾晴淥。林衣雖暫禿。旋旋輕紅縷。相與任枯榮。何曾知寵辱。獨有花前客。朱顏變枯木。霜髭不再黑。皮

膚易爲疥。雖復一編披。目力艱往復。平生同遊人。大半在鬼錄。存者其文字。酸辛難卒讀。若復不銷憂。春郊恣遊矚。心隨物得時。涓涓水流谷。何以娛榮期。天機慎勿枯。百年已過半。尺捶取已跼。古人或開予。夜游當秉燭。

二月七日雪陡寒

早春妍暝忽飛花。撼屋風威一夜加。夢破竹搖聲颯颯。起看籬壓影斜斜。光侵鴉髻寒生粟。氣卷龍堆細挾沙。斗作隆冬三九信。綺窗花事轉應賒。

夜坐

風竹語騷屑。月林篔扶疏。更深鄰火寂。室白洞窗虛。斷雲無來雁。攤案有殘書。欲持楞伽句。往叩淨名居。勝流邈難追。勝情誰爲據。惟餘文句外。予解一飴予。疲疴忘遺釋。年運任乘除。境智兩冥矣。身心同泊如。毋爲禪味縛。還游物之初。

古意一首

弱柳黃纔卷霧齊。芳原綠遍草萋萋。眼看競發花相映。獨有孤生竹未莢。狗監不逢園令病。馬曹久滯檄人蹄。不關中酒愁如許。壞壁慵尋舊日題。

喚起

夜來皓月纔當午。花影松陰暗裏移。喚起不知春已半。飛來枝上盡情啼。

桃花將放

綠窗氣似蒸。窗外繁英作團。孤負殷勤伴我。愁看鏡裏朱顏。
水村山店何處。卻憶江南路。想見蹋青時節。層城隔水生霞。
絢爛碧雞坊裏。爭禁十五清明。啄溜生憎山鵲。賴珠拂墮簾旌。
不待金莖賜飲。何須羯鼓催開。牆外游蜂未覺。超然獨立蒼苔。
嬌似麗華妝薄。分明三五年時。最好未開時節。明朝先發南枝。
春自無關喧寂。折枝浸取銅餅。此卽壺天深處。花光迴照沈冥。

雲門將行戲作俳語送之

樊山落紙如雲烟。對客揮毫淮海然。脫藁卽貴洛陽紙。珠玉不脛人閒傳。卻笑鈍根枯面壁。畫被不能成一篇。障泥駿馬指秦川。花如絳雪春風顛。澥雁江鳧一分手。雲飛水宿各一天。青門從此少顏色。漫山桃李爭春妍。豈若溫三十六清麗句。句句飛鳴羽化仙。仙才將行玉溪生又老。謂尊翁還對龐蘊半枯之木鷲。眠禪玉溪老龐見子皆卻走。屢欲筆研煩焚捐。山礬巧避水仙潔。羌筵怯伴朱絲絃。須君輕裝入華下。晴窗復理陳丹鉛。聊持半偈適獨坐。目論者誰知子賢。譬令蜉蝣議龜鶴。龜鶴自有長短。要非世士能媿妍。

君試評之然不然。

人事

人事支離鶴與鳧。世情傾到幻榮枯。西園劍騎輕寒士。東海蟬娟笑出夫。獨秀見奇霜後柏。羣妍相壓瘦時株。蜩鳩鼻息從相屬。似畏飄山衆口响。

柳

嫩寒驟暝酒人醒。三日風梢忽放青。閱世靈和殿前柳。幾看朝士鬢成星。

晝睡

鳥語花香總不知。起看篆鼎袅烟絲。故人遺我長生訣。午枕西窗一覺遲。

寒食前三日作

輕陰落絮近清明。瀨上遙憐弟與兄。輸與龐公作寒食。鹿門山下趁攜擎。

追悼季妹

潭洞山花發。山深聞杜鵑。無人作寒食。有淚到窮泉。慧性疑天得。慈恩荷最憐。學裁看繡拆。拾翠憶裾牽。宛轉依寒槩。玲娉侍紡搏。每隨兄讀畫。恆伴姊調鉛。數笋林閒寺。觀漁瀨上船。佐巡青莧圃。教檢白雲編。忽厄焚巢劫。離如病瘵然。倉皇膏野草。頓撼阻烽煙。荒谷秋螢照。焦原殺氣纏。戴盆無復望。銜石幾曾填。

畫粥分糧日，積山疥木年。節同高愍女，妹以癸亥年癘，裁七歲。辯似趙津娟。懽晏追童少，飄搖及播遷。拳攜皆可念，今日滯幽燕。

到處

到處瓜牛戴殼遊，圓成淨土得浮休。白生初祖虛看壁，予入榮期暎解裘。天上蒼精方朔是，人間黃石穀城求。市人不識壺中隱，何許長房獨倚樓。

雨

春雨細如絲，春萸青滿枝。嫩黃栽溼柳，漲綠稍平池。人語烟中靜，宮花仗外敲。華林園外望，雲氣欲漫陂。

再賦柳

照影玉河頭，輕花逐水流。清明紅雨岸，上巳白蘋洲。樹下鈿車過，深藏小畫樓。東風吹綺語，散入曉烟愁。

落花

游蜂晚已去，啁鵲曉還來。度窗黏碧綺，飄砌媚青苔。蟻噙行上樹，鶯蹴半辭枚。攀翻祖帳席，吹浮宴坐杯。獨有棲禪者，時節無驚猜。嚼和香積餅，觀空明鏡臺。散著聲聞果，彈他不下來。至人拈笑汝，世諦未全灰。

蕁齋奉使日本還朝因贈

兩使扶桑留幾載，節旄未落髮絲斑。往來常得龍神護，寒暑應隨漢使閒。用徐陵使北語。儒俗稍還維繫大，璽書

相厚戚休關。鬱裝一片行舟石。歸鎮且蘭竹外山。

尊齋前後見贈徵君鄭子尹先生遺書再答謝

枕榔林擁竹王祠。中有飛霞解佩姿。尹道眞生荒裔曜。洪卷施後學人奇。遺書汗簡箋非一。耆宿邵亭夢更思。飴我天南文字好。付之玉躩繡爲池。

又謝遺倭刀

使君來自大瀛東。水擊三千鶴背逢。謁帝陳詞向金闕。贈交脫手佩蒼龍。誰言奇計居巢老。猶挾豪情說劍雄。笑我一瀉便涸陸。看公七澤久吞胸。

又

冶工龍伯國人良。宵練橫飛制陸梁。結佩曾行四天下。君先以參贊使歐西。足迹遊徧四大洲。發劓看試十年強。畸生祇欲觀刀室。雅意虛承遺墨陽。斂取光芒養生主。善藏甘作老蒙莊。

一指

苦空踢破四魔軍。一指頭禪又冊勳。斜日散牙從覓句。野人爭席不離羣。餘情逸到王黃葉。耆學吾師許白雲。階下棠梨枝乍放。黏枝蜂螳任紛紜。

託迹

不治儀望不潛夫。託迹浮沈以自娛。苦縣名甘鷹作馬。屈平身願化爲鳧。持版猶嫌判牘尾。刺船欲去鉢
雕胡。何時蹋破牀頭甕。一謝塵勞公府趨。

蕭寺一首

傷同年黃再
同編修作

蕭寺重尋故人迹。已凋老髻又摧筠。石牛谷黯門風歇。黃鶴磯長蕙帶焚。兩世交情隨逝水。一哀鄰篋闕
積雲。藏書百篋空塵蠹。誰省丹鉛往日勤。

又

蝸甲蛇跗不可捫。一彈指頃覓無痕。邱成分宅君真馬。

常溪先生家。蠹落祇餘一
老曾孫。厥君。凋卹甚至。

應劭纂儀孰與論。

會典
館開

君程課
最動。

喪次星奔緣毀卒。迂時柴立絕扳援。黔風從此林芳歇。鮮甕箐溪哭瘵援。

壽長沙徐耘渠駕部丈八十

地肺朱陵小洞天。長生有錄政新鑄。高栖紫蓋中峯穩。時岸烏巾小築偏。宏景早辭金馬祿。老坡猶署玉
堂仙。莫嗤八十搢笏叟。直上披雲响嶽巔。

又

騎省吾師篆韻箋。

少空壽衡先生
公之從子。

楚金曹署迹曾聯。

叔鴻侍
御。

兩卮同捧荔支綠。十卷新刊楊子辛。天上石麟

方覽揆。人閒絳縣正疑年。異人豈有丹邱術。軌道遺榮氣自全。

又

鯁生雖未識公顏。蕭散先朝執戟班。初服收身成大隱。著書專席筦名山。時主嶽巖書院。研朱點易真堪老。刻篆

瑠蟲久已刪。易有蜥蜴之義。故以借對。不爲先生肯低首。瞿劬南望籜巾閒。

又

巋然風節鈺時俗。始識靈光魯殿尊。文字浯溪一片石。性靈苦縣五千言。紫泥稠疊徵君號。朱鳳裴裒嶽竹根。甚欲從之畏壘住。一持黃卷叩真源。

觀物雜題

竹中搗藥白。頗含山居情。睡起窗光靜。綠陰無數生。
艸木順常理。冬枯春復妍。始悟養生訣。惟資法自然。
勞侶卻微塵。言尋止觀門。整覓化城憩。峻阪時易昏。
鶴啄青田芝。鷓栖枳叢裏。各抱倦飛情。暮而得所止。

又

不須奧義詰三旛。六妙門中第二門。逆旅擔夫從爾汝。野漚相狎祇忘言。
萍塊雨中吹暫破。絲窠風裏掃還成。裁看鷓子新羅過。又驗青甯久竹生。

玉河

玉河曲曲抱城流。明鏡中無一斛舟。薄晚萍開風乍起。楊花飛入女牆頭。

覺衰

無復壯心吞楚澤。已如疲病喘吳牛。一行中散淹爲吏。十日南趨浪自愁。但使世風還渾噩。分甘谷汲老林邱。欲尋閒適師誰好。園吏卮言榮叟裘。

未遂

未遂飄然去。遺山野史亭。枝言螢自照。槐夢蝶應醒。營墅無三畝。談空負一經。浪遊真晚悔。刻意布衾銘。

題翁大令長森貽硯圖

故物所餘裁一研。吏如冰玉迹雙清。惠家紅豆傳經意。留與雲孫取次耕。坐閱衰興惟研壽。金題繡褫失仍還。何如甘露庵前物。朱十徵題寶晉山。

書所見

浮荷盡處遠林出。上有蒼烟一抹橫。凝望方知是山氣。此中疑有化人城。曉風殘月金鳩觀。無限丹邱出世情。

積雨後作

虛寂生道心。林皋發佳趣。雨昏東林鐘。艸沒西埭路。積潦漲成陂。行人不可渡。稍看遠峯霽。旋豁層城霧。林鳥不聞喧。青蟲網高樹。

雨歇

吹蛙一部洗朝醒。野水彎環艸樹明。藕蕩漁人貧不厭。竹含殘雨作珠璣。

老城根

金元遺趾何有。惟見陂隴低昂。箭鏃應歲一斛。深宵還發光芒。

寄鄭蘇龜

鄭虔工艸隸。蕭散異常流。惜別經年夢。因人渡海遊。分符戊己尉。採藥蜻蜒洲。詩得江山助。相看隔斗牛。
籬落

籬弱支緣樹。苔皴綠上闌。螢黏殘雨黯。竹帶晚花攢。生理無雞柵。漢吟倚鷓冠。纏藤任傾倒。當作野廬看。
送潘伯馴同年歸櫬

微祿羈栖久不歸。決疣真返芰荷衣。闕爲祖送青門外。安隱娥江素旆飛。奇字槎牙秃樹根。李潮筆勢更誰論。應穿玉筍單椒葬。員石苔剝作籬痕。

四明狂客留妙墨。磨洗氈椎往欲規。聞越州千秋觀有賀監書碑。君欲往搗見遺。未果。陳迹千年山雨闕。繼君奇癖數阿誰。

訪吳子脩

塵甑三旬瘦，羸驂七不堪。祇應投硯北，相約老花南。
桂蠹吟成癖，瓜牛隱似庵。蕭疏竹林下，兼覓阿戎談。
謂綱齋孝廉。

淨慈一上人渡海來，請放內府藏經。將擔歸杭州，受持流布。其意甚勤。同子脩太史作五絕句贈之。
永明千偈瀾翻處，龍象全荒蔓野藤。聞爾誅茅敷半席，宗風還續一燈能。

又

芒鞋竹杖一孤雲，來自湖壩造請勤。宛似洞天探宛委，函肱金鎖祕書文。

又

圓明百間箭鋒機，提倡門風宗鏡歸。歸洗御碑蒼石髮，山川披豁日光輝。

淨慈寺。本吳越時慧日永明院。雍正十一年上諭奪碑勒石。御選語錄。

序。惟智覺壽禪師為曹溪後一人。

又

貝葉流通出石渠，擔還神護靖夔醜。香山竹中泉一滴，證取衣法南來初。

又

幾年不到南屏路，屈強家人卦籊斑。幸為殷勤搨生紙，磨厓寄示當還山。

賦得聞道王城最堪隱

黃塵浩浩市朝昏。蓮芍陂西別有村。失浪搏風人自擾。寒匏焦穀我無言。晴窗帙楸衣魚豕。旁舍困空野雀喧。試覓栖心安隱法。清齋梵夾掩籬門。

賦得萬人如海一身藏

龐眉疲尉信湛浮。業海吹瀾未困漚。幻似三桑瀦作陸。翩如一芥枿爲舟。幾人化蜃重樓翠。何物醯雞敗甕游。且約壺中行藥叟。枯碁臥閱弈枰秋。

調李侍御

椒猶合口班墀下。君入臺後。未言事時。監京兆試。桐自剗心出纍餘。今日捉將監鑲院。春蠶食葉不關渠。唐人以御史裏行爲合口椒。監察

又

衆工爭握量才尺。巧匠翻令袖手閒。鉤起風簷十年夢。筆酣射策燭花殘。

戲贈宋養初晝睡

文書束笋久相纏。身似吳蠶一再眠。育育者魚濠上樂。遶遶然蝶夢中仙。比須料理休搢笏。起視光陰已過甄。歸志浩然三泖宅。臥看煙樹出江船。

夜坐望月

裁穿碧樹出。已射半牀明。衆籟清秋寂。蕭然隱几情。綺窗華燭滅。莎砌一蟲鳴。俗學今知誤。真慚外物櫻。

送葉緣督太史還吳中

陀羅幢主玉堂仙。歸棹東吳范蠡船。趁取蓴羹下鹽鼓。丹楓半醉晚秋天。君繁集陀羅尼經幢揚本千通。自翠幢主。

分題鷓鴣石屏風。華屋山邱憶醉翁。惟有任安留不去。坐穿一榻鄭奩中。入史前後。久主潘尙書家。

點勘羣書下戊籤。收藏入錄發凡嚴。君博錄古今或書家作雜咏三百首。人系以傳異聞佚事箋羅極富。元緡宋槧資南董。括盡流傳竹與縑。

光福崦前白鶴飛。漁榔夜半火微微。茗文小別承明去。載得牙籤萬軸歸。

致仕瑞安黃丈壽讌詩十有四首代

不須大藥駐朱顏。不待金丹製九還。閒氣星明中執法。孤標玉暎上方山。章公猶夢爭王室。遽瑗何心出

近關。大好游龍製雙杖。文端韻事百年攀。協揆蕭山湯公以乾隆三十六年壬辰生。罷相留居京師。與丈攬揆之年。正同致仕。後心迹亦相似。

同懷競爽似三洪。繼起才華蠟鳳工。門業玉堂傳制草。道山延閣擅宗風。郁離家近犁眉叟。諫錄人編羊

鼻公。試讀姬傳翰林論。要令金石在波中。

猶憶龍沙斥堠危。行人睨柱載書欺。窮邊甌脫防青海。抗疏批鱗動赤墀。入對東朝蒙稱旨。持衡南國不

忘規。人才時論歸元祐。鐵漢端推劉器之。

輜軒使者採菁英。煦物氣如春景晴。遺箸江汪歸祕閣。晉河朱公視學安徽。探進汪雙池。江慎修兩先生遺書進御。館。入儒林。文苑兩傳。故引朱公事爲比。專經虔植半門生。掾時陸九論椿庫。赴闕坡公對邇英。抗議樓船臣職在。蘭池焉敢

忘廷爭。文以言海軍事忤旨。由兵侍左遷。

匱使夷然就左官。每陪國論慮先殫。常憂紅海通番舶。旋攝烏臺整法冠。恩許優容三品服。臣難瘖默寸心安。角巾未敢歸東路。心迹猶依日月丹。

寒花晚節律身嚴。自信行藏廢筵占。點勘老懷勤炳燭。唯阿世士斥飛箝。都捐機事蕉中鹿。刮掃浮名竹上鮎。來日詔開千叟讌。上尊法酒賜頻霑。

清聖濁賢推美祿。頭銜新拜酒泉公。人言晚節薑逾辣。天賜芳樽酒不空。過嶺東坡清似鶴。杜門北海氣如龍。陶然一醉籬邊菊。世事真如馬耳風。

漫叟惟知惡曲圓。頻移風會源開天。香山樂府云。天寶末年時。勢變。臣妾人人學圓轉。木饑水毀無中氣。去年三輔水災最甚。夏溽秋蒸有杜鵑。葉奇草木子云。至正十七年。燕京子規啼。引邵康節洛陽天津橋上語爲戒。今年八月十七日。亦聞子規啼。可異也。吾欲拂衣從此隱。公眞解表迹超然。僧窗盡日觀碁局。龜息虛堂自在眠。

深杯初度醉流霞。弟子高正侍絳紗。大楷鉤銀書荔子。文作書體勢與晚香堂帖相近。蘇文忠公有荔子丹書。剛腸蟠鐵賦梅花。鄭公

晚戒餅緘口。韋曲家嗤戟列牙。未作華陽挂冠隱。方瞳九十沃丹沙。陶宏景以永初廿九年壬辰生。

舉國泝浮若汎鼻。誰論根本鞏黃圖。願箴衰闕淮陽守。欲繫強胡賈大夫。要以廷爭酬造化。敢云樸直乞江湖。陰謀直使淮南寢。此意平津會得無。

讀公自壽琳琅什。字字天心月脅穿。顏介觀生家訓在。北齊顏黃門著觀我生賦步兵隱酒谷神全。不須梨棗論丹訣。

何用蚍蜉議輩年。老去韋編惟學易。丁寧金柅絕柔牽。

黨論三君漢統存。鷄籬稷下息啾喧。羣瘖國有麟皮鼓。百越山知雁宕尊。北海笑談仍隱几。西園諧價剌多門。酌公精衛填餘水。碧海傾翻入酒尊。

戀闕耕桑只近郊。看花杜曲野人邀。碧駮誣欲刊前牒。白虎通成憶舊巢。三徑黍雞權沔上。四天花雨灑

林梢。公宅在槐樹斜街左枕長春禪寺。德星自照微明了。待命蒼生萬物胞。

元方兀兀古緬搜。潔白青精侍太邱。泚澣百金傳大藥。蟬嫣一蕢障橫流。侍中世直華光殿。祕監重開文選樓。南董代興希有事。珠光夜夜燭東甌。

濮母林碩人挽詩

截髮留賓仰至仁。登堂雞黍最情親。多方成就孤兒學。今日同爲失母人。元晏表求書一篋。豫章棉漬酒三巡。冰霜慘裂吾尤酷。淡墨銘旌誄德新。

壽譚仲修同年六十

刊盡浮名與客塵。禮堂安隱著書身。千年微學胡毋續。一卷叢箋越絕新。君晚年爲董子繁露。袁康越絕書作箋。竹杖嬾嫻斟雉叟。荷衣澹蕩解龜人。化書傳得雲孫大。獨抱遺經作素臣。

才華二十帝京篇。卻似平原入洛年。接迹風人賦明月。鉤辛樂府動星躔。承師晚契皋聞老。自序重裁述學編。剝落皮膚見根柢。蘭苕翡翠已流傳。

作令人推李鳳臺。五權赤緊篠驂迴。晝披連牒爭求判。夜接詞人數舉杯。君宰懷甯。集方存之。馮笠尉諸勝流觴咏精監。刻池上小集。調水裁供山寺筧。題名淨掃石門苔。猶留韻事淮南麓。踢雪班春摘野梅。

老作經師黃鵠磯。墊巾真息漢陰機。朱雲坐致鄠人敬。白石工評絳帖肥。樽辨齊鑄捫子尾。書刊漢誤補公非。新推六學儒宮長。聽講咸如客得歸。南皮制府師鎮武昌。新闢書院以六學課士。辟君爲學長。

湖樓社飲景山鎗。歲月倏如流電驚。身願爲雲逐東野。公眞健筆繼西京。淇鱗長遣懷羈羽。織筵何當倚巨楹。欲致鄴潭千斛水。日餐秋菊養長生。

聞伯希作西山之游

自駕冷風鞞玉螭。盡捐外物世眞遺。雲旗山鬼思荒忽。菌閣朝霞望陸離。五嶽眞形圖自寫。千花危塔杖重敲。何緣共訪孫登嘯。一理予言日出巵。

憶山中太和潭精舍

前明俞莊襄公讀書處

幾重曲嶂青屏合。一道寒泉碧鑑開。異境仙靈移恍惚。竹深雲擁讀書臺。
杪秋兩度侍游觀。山果羅生漆復丹。路轉忽聞香沁鼻。幽尋柏子麝銜殘。
濯纓留宿憚嚴情。一柄煎茶汲水清。北客久違茶味美。望雲惟有淚河傾。
茲山潮汐應弦望。海眼疑通縛達池。久客無人供水遞。千巖紅葉鏤荒祠。

潭中水準月之盈虧爲消長如海潮。然亦可異也。

咏袁白燕

吾家白燕陽狂甚。大海鰻魚不可尋。信爾無心與物競。縱教處陸也能湛。

侍郎李仲約先生視學畿輔感時述事奉呈八章

久直三天侍帝旁。又持一節去巡方。近來大筆推燕國。寫定羣書闢鄭堂。詞學宋科蒐王海。經師漢殿理珠囊。歲星昨夜蒼精動。合占南陲北際穰。

惠陵詔罷建章營。抗疏猶傳汲直聲。

同治末。公上疏諫止澁園工程。旋乞病歸。

旋入羅浮渌丹井。卻從嶺嶠望春明。雞林海客

傳雄句。鹿洞諸生受壁經。誰識湛冥高臥意。北條一卷作箋成。

公家居十六年。注元祕史。攷求西北地名尤精博。

再入修門還應召。風非欲起待良工。迴旋清切慈恩大。委備紆餘草制恩。禁樞署推梁鵠擅。穹碑石待李邕龔。玉堂夜半聞鈴索。清露霑衣月正中。

頻繁英蕩大州持。妙簡黃圖士得師。卻似蕭公試馮翊。不同莊助去丹墀。黃金燕士搜殊品。白石神君剔

斷碑盡發山川鼎彝出。風流還及阮公時。

城西風日訪坡陀。宴坐曾陪石磴蘿。文字英華出任筆。笑談精鑒別虞戈。篆痕翦鏡嵌虛壁。隸勢崩雲倚靜柯。戲語千年搜筆訣。心期苦縣與光和。

元禮東京第一流。勁如竹箭出炎洲。賦才哨鹿千篇奏。辯囿瑠龍萬物鏤。新樂府成含風諫。續方言出采星輜。暫辭温室三珠樹。夾袋奇材次第收。

馬營江徙欲移沙。粟末河荒割棄賒。公自地形窮北戒。帝憂戎索問南車。籌邊誰發機牙早。餘技兼通形法家。待寫孤虛叩風后。藏春一集動幽遐。

澗澗世運尙艱難。憑仗機衡厝治安。物異頻看草木子。活人誰蓄竹根丹。葉奇草木子。至正十九年。燕京子規啼。此南禽也。今年夏亦聞子規。

· 茂先博物知龍鮓。移刺安邊對角端。卻望迴翔行召入。待參禁幄赤心殫。

詩後又題一首奉寄

鬱曲輪囷氣闕雲。誰明雪白與蘭薰。雖然久滯移中監。甚欲東求蒼海君。中散幾堪疲翮鍛。龍門迴向曝腮勤。賞音物外長低首。爲報枯桐有裂紋。

再咏虞功曹一首

摧殘竹箭不逢時。骨相虞翻亦自疑。死索青蠅爲弔客。生如蝟甲揭枯枝。真觀且飲三爻易。浮世徐參一

局棋。卻戀泓峰。老北海。幾時花下倒千卮。

賀樂翁得一子

門傍春明氣色新。誌公抱送小麒麟。公方執法蘭臺背。合字臺卿漢逸人。趙岐以先世官御史臺日生。故字之臺卿。

奇氣他時隸少霞。收身翁歷四溟槎。涪幡老去應嘲汝。著論還期照外家。

南枝庾嶺春纒動。十月生。荔挺偏從朔氣生。兼得山川雄秀意。上堂英物試啼聲。

手摘仙官上界星。教提戈印不曾停。長成更與元暉印。筆力親來試寧馨。

掖垣望月

月華如水地凝脂。貝闕千層激澗移。多少虬龍禁樹影。疏枝一半浸冰池。

看鷗波亭圖

不知萬頃莫釐西。著此茅亭絕野蹊。隔岸樹收虹外霽。暝欄烟入鷺邊迷。沖融似得濠觀趣。蕭散疑留粉

壁題。如此溪山不歸去。江南草長乳鶯啼。

管道昇畫竹

烟影雲痕紙半癡。興來信手掃千竿。天機不待施鉤勒。想點霜毫倚石闌。

亭亭物外明玕鼓。莫惹吾邱倒好嬉。卻似散花天女手。整斜濃淡總生姿。

翦取瀟湘玉幾叢。娟娟含雨復梳風。分明章法真兼草。得筆還從松雪翁。文敏詩云。石如飛白木如繪。寫竹應從八法求。

咏壞色古畫

繡池已全圻。翻疑竹粉光。烟霏幾靦淡。沙草出微茫。禿樹松針隱。危亭石色荒。通靈見真放。皴駁氣逾蒼。

耳鳴

宛似定中坐。忽聞鐘磬音。原知病是幻。一作身是妄。且喜籟相尋。蟻任虛牀鬪。蠶須社酒斟。合將聲號叟。應辦

早抽簪。

冬晴望北山

風卷沙霾晝易昏。今晨披豁對雲根。西來萬馬朝天闕。姚道衍云。昌平諸山。勢如萬馬。從天而下。北去盧龍鑿塞門。那有金仙

九節杖。更無玉女洗頭盆。百年豪傑魚蝦盡。奔湊醫閭一柱尊。

吏舍西垣下老桑樹

禿樹尙擎雲。飢雅噪不聞。根蟠厚地圻。霜入薜皮皴。羽葆全彫落。神龜莫便焚。汝真工閱世。穴蟻日紛紛。

碧城

瑤海冰稜不起瀾。天風吹動碧城寒。沙如雪淨鋪龍尾。石似芝青駮馬肝。疑入瑤璃初地澈。安知磔硌衆星乾。浮查至竟無消息。獨倚河源盡處看。

上孝達督部師

驛使南來景氣佳。袖中札似折松欒。能迴元氣消疵癘。更卜貞符翊泰階。已遣祥金工躡冶。吾師方大開鄂中鐵官之利。以資軍實。會看浯石待銘厓。郢中小郡如堪乞。洗剔怡亭字半蕪。

題會稽王孝子髮冢銘石本後代

君不見關中大儒李二曲。襄城五千國殤錄。齒冢材官碧血蕪。野祭長筵足皴瘃。雲車風馬不暫停。歸柩母冢焚黃告。又不見會稽諸生王子詒。親病上章兩以身代之。淚河枯盡鑼以血。卒殉魚腹從鴟夷。賀監祠前風浪惡。抱石自投神扶持。已歸真宅留髮冢。一夕忽苗齋房芝。皇祇靈感良有以。腐土照灼青葦蕤。盤屋生孝儒其門。王君死孝至性存。義命各安心所宅。蘭枯玉碎皆親恩。表章大筆豈所計。員石爲伐蒼山根。史官書之獨行傳。要留一髮維乾坤。山棚石爛至性長不滅。娥江之上銀濤白馬來。飛翻金支翠旗閃寒澈。丹沙玉礫燭遠村。青楓月出萬壑靜。深宵草露光魂魂。風梳木葉如紺髮。文狸赤豹不敢捫。婆娑迎神走父老。傳芭擊鼓紛喧喧。椒漿一勺酌祠下。靈之徠兮破氛昏。嗚呼髮膚支體良不敢毀傷。孝子痛如負巨創。死生禍福豈暇擇。風雷揃爪乃以湛身償。觀其遺令志先定。處冥家事何精詳。士夫畏死今何限。舉國飲泉瘖且狂。君親豈容隔膜視。坐恨圓者刃其方。王君恥爲烟眎行。束髮受書何慨慷。有時甯受毀傷柵。棄蔬立槁鮎埼陽。嗚呼吾言匪無徵。君不聞崇禎年中事。可傷白雲庫下石齋老。手書百本諫諍

章大儒身教不絕殆如髮。作詩刻石君冢旁。千年落衣勿泐永相望。

越人皆言王孝子死而爲神。

漳浦黃忠端公崇禎辛巳在獄中手寫孝經百二十本。本皆有跋。一本跋諫諍章有甯受毀傷之禍。不避近名之嫌之語。又一本跋云。凡聖賢作此事。原本心性。與世上聲華。纖豪無涉。其所以立教處。雖毀傷支體。駁落膚髮。猶且爲之。先生解經以意。逆志如此。今王君默疏乞代病父不效。復以身殉母。自湛江流。蓋奉教於漳浦黃先生之遺言者矣。

枯樹詩

老樹槎牙似散仙。穿厓裂洞曲還拳。空心任作狐狸窟。疏影倒如龍象眠。元氣蟠根猶不死。祠官鑽火轉成妍。耐寒待得春雷動。怒放濃青石室巔。

喜朱二屯田見過

簷鵲喧呼噪晚晴。趁墟人散野烟生。畸人破我逃空寂。稚子傳來掃徑迎。文筆戲拈參茗打。樵蘇忘爨對滋峰。明朝廟集斜街近。有約看花陌上行。

歲暮上李端公

且須柱史隨方隱。何必扁舟避地賢。白石道人歌一曲。暗香疏影石湖仙。

蒼林君四十初度作詩示之

懷沙之逐臣。乃始言初度。我儀蔣山傭。屏謝擊鮮具。夙抱天倫醉。殘形蛻孤露。痛絕李中孚。終身御純素。是辰投野寺。摧哽風林慕。生我不得力。神傷蓼莪句。欲廢汝墳章。周磐作計誤。縣縣戴山曲。杳杳青楓樹。孟飯未躬親。寒食霾瘴霧。幽翳三十年。慈顏夢中路。留滯不歸山。羈栖失故步。因君初度日。觸我鮮民苦。焦穀何有芽。甘蔗豈云堅。有如風中漚。暫寄界內天。色身本皆妄。有漏日夜穿。丈室徹天花。飛著學人肩。著處便成縛。終蛻無蠶蟬。火急早修道。天全神乃全。妙得其中理。形殼付唐捐。何況浮漚聚。擾擾去來緣。電光石火中。濁愛強周旋。苦縣與毗耶。我欲游其間。子儻勤參取。坐破十年氈。欲求四智鏡。滯相勿礪埴。受之我慈母。遺偈涕潸然。可際以前皆持楞伽。黃梅五祖始持金剛經。先母徐恭人。每遇朔望及家祭日。掃地焚香。持誦此經。自有生以來。數逾千遍。不孝昶謹述。

山中有苦筍。歲久青成林。江上百株梅。繁花啁寒禽。我家山水縣。何異桃源溥。薄宦久留滯。山靈知我心。招以紫芝曲。遺之還山吟。父老望我歸。買田秀峯陰。兒童望我歸。授之座右箴。約子黃篋舫。謝去白玉簪。老治五畝宅。食費兩疏金。勉晞萊子婦。荷鍤春泥深。我豈參軍陶。棲川作淵湛。

又題六言

枯澹中含至味。靜參物理虛盈。何用酈潭菊水。浮杯始得長生。

新年試筆壬辰

新歲在辰。得未曾有。瑞雪繽紛。灑我林藪。瑤林瓊樹。照曜榮叟。律谷萌芽。虛明徹牖。息之深深。養之黜黜。

穰我來牟。和甘滿缶。擊壤歌呼。東臯一斗。烟籬綻梅。風榭舒柳。彩筆題餠。春盤薦韭。降祥產嘏。直至鮐耆。比復好先。乾壯惡首。隨時之義。消息奇偶。窮通知機。臧否慎口。苟非吾有一豪。莫取編園吏集。飲北叟酒。泊乎黃庭。內暖虛受。優哉游哉。純氣之守。

早春鄉思

淑氣將催柳。光風欲汎蘭。猶餘臘尾雪。併作歲初寒。村酒攜柑子。園租課橘官。鄉心南望切。草草強杯盤。

戴仲若攜雙村斗酒。聽鷗處在桐廬縣治西五里。今名戴公山。

第四歲日再過神武門托托小憩

未辦朝衫挂此門。竹籬紙閣碧城根。乍聞穿閘流冰響。又識依巖禁樹溫。華髮已無宮監語。

往見八十餘一老中涓。能言

咸豐中事。已物故矣。碧紗難覓舊題痕。陶公縱上辭官表。還獻茅君臘酒樽。

時猶未立春。

懷朱鼎父時客授廣州

飄然一去瘴江邊。身在羅浮盡處天。殺馬毀車如昨日。割雞爲黍更何年。無窮世事浮雲改。萬里春心落日牽。

杜句。春落日牽。落夢相牽。翠羽黃柑助高興。幾時同泛木蘭船。

卻從朔雪望炎陬。海闊曾無檝與舟。蕩蕩區中無一事。冥冥澤畔獨深憂。花開朱鳥西臺樹。雲起蒼梧古藥洲。懷舊潛郎今白首。忽然淚落不能收。

寄雲門秦中因效其體

金天祠隱嶽蓮分。遠訊疏麻總不開。勁句流傳如竹箭。新詩變態入春雲。康王渭曲多才調。令長鄠田好策勳。河水東流爾西去。有誰能賦李將軍。雨蒼晚境極牢落。欲爲故李將軍行以張之。僕才思蹇澀。久闕筆不能成。君有雋才。欲乞賦其事。

寄屠梅君侍御晉中

洗耳投淵一笑休。蕭條隱几復何求。尋碑有興搜齊峪。懷土無心返庾樓。積塔霜紅雙屐徧。晉祠水碧一瓢收。支牀聞道龜長息。擾擾人閒看鬪牛。侍御耳疾已久。

人日

老至逢人日。衰遲怯物華。一花開棗几。雙鳥啄圓沙。嬾病愁丹藥。僮疲點乳茶。且將詩遣興。米汁市頻賒。

漫興

居士不服水玉屑。隨方差得天機全。酒中投以赤松藥。身病晚栖食藥禪。細觀形骸亦外物。無邊春色催華顛。偶出南隣覓酒伴。醉倒陌上花含煙。

風定後

風定夜闌。月上當窗。竹影平分。何異江鄉。村落殘燈。一穗黃雲。

戲贈黃山呂居士

灰河三里霧撥不開寒潭一片月招不來深怕睡她四條作祟又虞仙鼠兩箇頻催欲訪黃山道士門前
 寂寂蒼茫何物是安心法鑪中撥盡寒灰隱几翻成禪病杜詩余亦師可嘆身猶縛禪寂汨泥又滓靈臺憑君一掃千
 重障粟粒芽中起絃雷由汝馬駒生足下雲蒸霧擁九天開倘能為我迂神足便可隨方長聖胎江西大寂禪師云
 若能了當此心乃可隨時著衣喫飯長養聖胎任運過時更有何
 事曹溪之傳得馬祖而始昌故有由汝足下生一馬駒之預識

思為退谷之游在臥佛寺南

世樂終須破甕同蜀嚴那解辨窮通禽嬰野老疑年大雞卜村姑諺歲豐三萬日當游秉燭一絲風約釣
 收筒逃虛只合香山住退谷亭前竹幾叢

尋春

春人簇簇玉河頭舉袂風山去不休颯沓綠蕪攜衫伴翩躚粉蝶度銀溝簫聲吹徹雲耕下劍氣迴扶鹿
 躡遊中有飛霞佩誰識詩囊烟景一時收

示兒輩作文法

一指頭禪用不窮寓言節取渭南翁莊雜篇又云一尺之捶日取其半用之不窮水多洲島神迴合山有烟霞氣不同兵法善
 藏俄脫兔琴聲忽住指歸鴻應機妙得無機趣虛處鎚錘出化工

君立善相馬頗聞畜善馬十餘頭乃絕塵之品也作詩調之

支公妙說逍遙論。爛藻紛披膽游刃。莫笑房開青豆窮。枳籬芻料餒神駿。壺頭新息可憐人。意以成珠言
孰信。馬法空懸鑄銅格。壯心不逐寒灰燼。太原公子晉陽騰。鞭筆羣雄氣雄峻。石泐昭陵六玉虬。肉駿猶
辨烙時印。古來豪俊氣超然。氣挾龍威兼虎震。休斥支公成潦倒。僧仲殊題晉四賢像云。潦倒支公。窮骨恰丁少道風。會稽內史摧
堅陣。唐陵何有只平蕪。人間玉盃真俄曠。窮骨人嗤少道風。戰場事去餘飛燐。惟傳相馬形法家。新息遺
經出殘摺。儀氏鞞中謝氏髻。精微鑿別窮分判。汗溝歎薄驂驪血。隅目晶熒怒燦連。自言受法丁君都。金
馬門前署臣進。天顏顧之常色喜。四極堪馳掃氛疾。今君何處得此本。辨枿毫釐知軼債。北皮亭外連荒
漠。草淺兔肥供疾趁。燒痕獵騎轆冬枯。泥融雪釋材官引。臂鞞萃放海東青。敕勒詩成筆花潤。射雉俄牽
三十頭。從車旋犒千觴醕。歸鞍一點似流星。不數鷓子新羅迅。君嘗歸南皮。雪霽打圍。此追述其事。何不喚取守邊門。昆侖
月窟招琛賚。夕洗神兵魚海赤。朝銘厓石龍沙韻。一候功成辭上賞。拂衣歸訪逍遙隱。瞿劂山人無一事。
蕭然隱几無人問。真成怯事少游馴。誰伴忘言東郭順。心地須收汗馬功。勃窣道林還得雋。善相由來恥
舉肥。戰勝靈臺真至慎。妙得其神忘迹象。竹批雙耳何勞認。足下生駒踢殺人。迴旋試與重張鞞。

菊潭行

桃源事。乃避世隱君子之子孫耳。半山詩。避時不獨商山翁。亦有桃源種桃者。仍襲用陶詩。黃綺之
商山伊人亦云。逝語最爲得解知。此則退之可無疑於神仙荒渺之說矣。願其地經諸名家題咏。遂

若人閒異境。聳然出於言表。獨酈縣菊潭之名。見於史志。續漢志。刻令劉昭注引荆州記。無人爲作歌。遂名字騷如。此亦一桃源也。故爲表而出之。以堙能者。揆張其事。姑先之拙句。用爲隍引云爾。

酈侯縣北牛鳴地。菊水芳甘供服餌。人家三十自成村。世爲昏因不相棄。不省何年種此花。飲之一勻生無涯。中壽猶堪百二十。那知海上棗如瓜。生兒不遣鴻都學。況向西園買官爵。春來融雪長烟苗。秋至花開水方落。顏駐丹沙秋復春。老翁往往抱雲孫。朝耕原上田無稅。夜沐松風不閉門。圍鱸親戚多情話。品水點茶都不解。掬水惟將木甕瓢。養甌同聽風雷噫。楚客曾傳餐落英。漢臣亦賜飲金莖。何如藤瓦環洲住。潭影花光一片明。西園桂蠹花稀實。鉤黨刊章吏訶詰。世上紛紛幾亂徵。人言九事八爲律。同時惟有鹿門翁。妻子晏然采芝朮。由來不識吏催租。忽被南陽令溷吾。筒致月供三十石。遂煩水遞應傳呼。有名常苦爲物役。無名乃得含虛白。伯始胡令我水滋。稱名恥惹中庸客。記云。太傅胡廣傳種。遂處處有之。傳種奇花種失真。過淮枳化笑癡人。從茲菊水無遺味。多汲常嫌并水渾。人閒先竭是甘泉。莊叟之言然不然。養就金精復何處。地仙拔宅空雲烟。我欲別穿一菊水。堯年不潦旱不涸。靈臺一片是靈源。澄潭萬古長如此。

安般箴集

詩續王

出門 壬辰夏

出門悵悵復何適。吏舍囚拘至日曛。道以曲全安用直。身將隱矣轉資文。藥欄綻後春無迹。楸榭花時夏已分。節候差排成老大。小軒風定臥看雲。凌子與云。三四文外曲致。讀者勿誤。勿爲江西野調。

紫闕

紫闕森霏海氣漫。珠杓倒浸斗闌干。池光忽現諸天淨。夜色誰知上界寒。林霧乍含燈隱隱。禁鐘遙度桂團團。千門次第傳魚鑰。仗下傳呼列散官。

張乳伯場尹行孚來都下夜造訪之有作

落拓天南一尹珍。忽因轉粟入修門。竹西往事渾如夢。研北窮愁尙有身。世法拘人禪裏蝨。交情响沫轍中鱗。誰知發篋傳書在。一卷瑠龍妙入神。

次韻乳伯見贈

積然老去各頭童。無復深杯倚渴虹。倘買江南黃篾舫。及君歸隱與俱東。

坐厭東華蹋輓紅。不如養性逐王充。五君標目分明在。寓意何曾數阿戎。凌云。當有所指。

又

莫更刀州夢阿童。浮榮起滅幻於虹。勸君薄宦何堪戀。心與江流日夜東。會訪茗中楓葉紅。幽栖服食氣常充。右軍不問人間事。一味晶鹽但乞戎。

又

那有還丹頰變童。壯圖無復氣如虹。著書辛苦誰傳得。滿紙人嫌肖滯東。君深於繪篆形聲之學。淺酌春醪荔子紅。詩腸脫粟但求充。卻愁句僻箋難解。杜律新題萬里戎。

乳伯又有詩來再答之

絕妙新詩觀海童。沈身下吏似藏虹。竭來曳杖天橋立。平蔡還須此隴東。世語隴東隴東。即龍鍾之意。花前秀句鬪輕紅。那問餅中粟不充。待與卜鄰西塞曲。兩家籬卉簇戎戎。

又

何日樵門遣牧童。具茨車蓋景流虹。試詢道術童能對。陋彼商顏綺與東。老子顏改鏡中紅。日課矻情性自充。知否阮生工慎口。卻防魯酒便興戎。

又

他人文似赭山童。君獨飛騰氣吐虹。若使宏詞科再舉。應知竹箭復生東。

阮亭禊社小橋紅。行取旋看館職充。他日身榮猶未晚。待君雅操奏平戎。乳伯服官揚州。故引王司李爲比。

題白下駐防炳煦村司馬重遊泮水詩冊

二定林閒堪卜隱。水花楓葉晚蕭蕭。前朝迴憶諸生籍。有子今乘使者輶。魚戲更無同隊在。熊經偶試祕方超。欄衫八十如年少。泥飲甯辭田父邀。

青衫作吏白江州。舞袖迴旋郢國游。屏跡早耽荷芰服。帖經重覓藻芹儔。憂時十策餘雙淚。閱世千場付一漚。亦卜遂居冶城路。幾時亭訪割青幽。

六月六日喜雨

去年秋末還徂夏。久旱低田兆坼龜。自是穹慈終愛物。上竭誠禱雨四次。忽蒙滂澤更無私。瑤池碧瑩荷千蓋。磔椀

圓浮茗一旗。真慰三農甘滿缶。濃青怒發稻連陂。

小閣長夏六日坐小溫集作。

小閣無人問齋日。篆煙一穉不焚和。覺來蘭箭微含露。望去簾旌欲作波。新棐几宜臨絳帖。小欄干正界青莎。晏元獻公庭莎記語。荷閒驟雨終難溼。池上輕雷瞥已過。竹繭綻痕蛾待化。萍皴開處穀微渦。淨因夙自瀉山受。戒律新傳育塔苛。笑電乍從窗外捲。夢雲還向隙中趨。樽空堪隱沈冥客。棋罷留看斷爛柯。試問朱門

與蓬戶不知誰最得春多。譚仲儀云。通體跌宕豪逸。

寂照寺有牛車曰陸地慈航。且則住持督一力出之郊垆。遇暴飈則畚而致之。寺後廢圃聚而蕪之。詢其緣始。乃富陽相國遺製也。仁人之用心。其岐溥哉。敬讚以詩。

相業照江介。匡時妙經綸。乾嘉全盛日。文物無遺迤。餘澤被枯骼。良工課輪人。前後無幹帷。製樸形模新。緇流職督察。一力驅麟麟。朝出畚暴露。夕還厚衣薪。至今守遺令。法簡良易循。賢哉文恭公。煦物何其仁。妙光閣及兩浙誼園。供旅人族葬地。皆董公父子勗爲之。華胄降阜隸。傷哉寢邱貧。仁者濟一世。不來濟一身。公心自肫篤。萬古不可泯。洄洄富春渚。觥觥懷先民。丹青劇難續。淵著留精神。逸事猶可補。蔭映後來人。凌云。此事殊有關係。

喜雨佳晴詩

皇帝御極。愍農疾苦。吁嗟零壇。肅肅籥舞。百靈効職。六氣順呂。金穰水毀。謹候錯悟。五月乾封。種不入土。圭璧誠祈。駿奔穹宇。缶甘旣渥。田峻樂醕。螺化爲魚。荻肥勝乳。有卜豐年。保我生聚。赤畿童突。迓天之祐。餘霖未已。連宵徹曙。凌云。螺化爲魚。用丁魯齋說。

帝曰傷潦。吾毗何鳳。禱祀孔虔。陪位偃俯。霽然雲開。清風扇縷。豐隆收聲。羲和旁午。妓澹焦原。螟藏礪戶。霽嶂披豁。霽捲八部。乾端坤倪。元氣欲吐。百昌倒植。佳穀麗土。民祝消疵。農慶豐稔。於皇壽考。德澤覃布。日暘而暘。日雨而雨。感不旋日。聖作物覩。應不以文。仁週利溥。遂開明堂。庶政具舉。招招善旌。逢逢諫鼓。

登崇俊良。禮遇丞輔。威輝有截。如縶約弩。左言侮食。來習篋篋。臨雍拜老。雅樂搏拊。協氣清明。雨風十五。亭毒羣品。筓勺衆甫。小臣述頌兼賽田祖粟重金輕德博歧普大濩贊湯醴渠頌禹蹈舞矢音仰規臣愈池上

微風裁動竹。積雨欲生魚。萍合皴逾綠。榴疎綻更朱。道經攤晚几。禿幘引晨梳。吏散喧中寂。書妍直復紆。忘懷去來際。朝市一江湖。

夕坐

修篁已生孫。苦柏未餐子。纂纂棗壓籬。澗澗荷貼水。溼雲乍歸嵐。飛電俄照几。餘清含疎林。衆籟夕未起。涼生簟漪碧。潤入落紋紫。蕭然坐捐書。自適而已矣。

覽郡志

空餘釣壇迹。講帙不可尋。景定續志云。宋純祐中。知州事王俊。趙汝歷修葺釣臺書院以課士。賢守誰當繼。勸學垂良箴。傳聞羊裘翁。霽宇懷

冲襟。直鉤蹲水陽。綠簑耕山陰。至今風颯颯。孤松作龍吟。厓籜破紅紫。嶂竹杳森沈。濺濺白石瀨。撼撼青楓林。招隱久不歸。佳期夢登臨。增波引舟阻。旅興入秋深。徒酌并卿酒。難忘賀監音。里閭幾遷變。石闕長嵒嶽。惟假圖經閱。一寓東歸心。

荷花

滿盞新荷葉，精英聚一花。平分華井碧，何減武陵霞。墮瓣妍逾潔，鮮蓬整復斜。真如老禪客，爛漫說恆沙。

偶書

幾莖瘦筍闌籬根，無數纖羅上短垣。漫士聽經曾踞竈，貧家曬藥亦當門。紅蓮綻水香猶沁，綠竹搖窗影自翻。欲治幽憂仍未得，飛蟲粘網不聞喧。

野望

漢陂樹樹生秋色，杜曲山山罨落暉。甚欲西遊石壁寺，還憑御者問何之。此楊景度語。

舊林諷經

心似蓮花無復染，手繙貝葉不曾停。一回梵夾千回轉，乞母生天仗佛靈。

七夕詞代舊林作

疑有神光合復離，迴看下界朱成碧。人間役役幻悲歡，天上浮浮盪精魄。銀漢何曾觀面皺，靈斐幾見吟頭白。朝來猛雨洗雲幘，夕泛流杯畝瓊液。衣香散作餘霞靚，桂影攀翻廣寒壑。昔愁一水阻盈盈，今聚兩情同脈脈。玉堂金闕不可見，笑電流雲晦冥積。微聞笙鶴和鳴機，敕斷芻尼引槎客。今年七夕，連雨露晦，停雲亘空，了無所睹。

亦有人閒萼綠華，針筵乞得棗如瓜。散花欲伴持摩老，吹竹長栖蕭史家。訪道誓同靈鷲住，齋心不礙白牛車。安身已悟甘蕉脆，妙諦參尋焦穀芽。欲乞精靈迴絳節，不寒信誓證疎麻。長持碧碗冰漿禱，誅蕩天

門未覺賒。願作穿沙連理竹。清瑩徹骨思無邪。

和

何處山青更雲白。能令借隱同其適。蓬萊清淺幾揚塵。金母緋桃爛難摘。欲爲藥責西琛胡騎千重萬

重隔。龍沙疇割河源界。消息還愁困槎客。淙淙孔雀口分流。玉斧畫餘窮地岷。以上寓近日英人俄人爭西域事。微外乾竺特。帕米爾諸部

惟餘劍氣衝南斗。分野猶看南戒守。牛雖不肯服箱來。女還軋軋鳴機助。碧欄干外拜雙星。激激針

盤雪瓜藕。朝來蛾綠如花豔。夜鏡秋霜生鬢首。世閒兒女總頑癡。控鶴梁煙復何有。條燦晦冥風雨作。帝

旁玉女投壺負。噫噓笑電掣金蛇。虎豹天關匭函朽。昆明池水沈雲黯。織女黃姑阻薜蔚。蘭臺執法斷來

章。飛蝗在野星在罾。樓船日耗水衡錢。太白女媧誰執咎。侍臣舞蹈白雲杯。天上好生千萬壽。人閒豈無

漆室女。清時石闕虛銜口。衝泥韉韉叩柴荆。感子下機雙淚并。爲作楚騷哀怨調。椒漿桂酒醅精靈。靈修

連蜷遠猶見。華采銖衣爛若英。重爲告曰。靈之來兮與天地以比壽。與日月以齊光。超天河兮洗天駟。排

浮雲兮暖上征。左豐隆兮鞿鸞馭。右滂翳兮揚霓旌。靈之去兮若長麗之歸丹邱。神龍之拂太清。結翠羽

兮爲佩。屑水玉兮爲根。嫫媿靈匹兮萬萬古。謬兮廓兮超沕荒。忽倏不見其音形。天地解兮六合開。眇眇

予一身兮。宛若渤澥之流滂。何方可樵兮。何山可耕。戕思林兮伐智樹。避語穽兮夷心兵。或負戴而逃谷。

亦瘖聵以闌行。採春蘭之瓊蕤兮。餐秋菊之金精。禱靈星之無旣極兮。服六氣而晞攝生。

次韻朱楚白常博希報罷和予落卷詩

避風銜羽似駕鵝，同困人閒語穿苛。園令不逢楊意薦，習之甘被藥山訶。笛材塵黯誰湔拂，劍氣沙蕪幾折磨。寓直連宵同聽雨，姑遊物外莫焚和。

辱和再答

卞彬譏切但嘲鵝，崔峯羣公氣象苛。鉗我雖非荆國體，失侯那免霸陵訶。沈鱗羈羽君仍逸，短簿髯參我畏磨。賴有風流李元禮，不教奇壁別荆和。順德侍郎極重君。謂孤往有奇氣。

又

冰天八月已翔鵝，絕塞鸞翮斥堠苛。畫草甘英通譯語，撐犁歐九免嘲訶。北條爲我疏龍峽，南斗寧終困蝸磨。括盡金微歸袖底，圖成志可補元和。時宮軸延君校勘地圖。討論沿途要害。

又

池上嘲騰鶴贈鵝，戲拈窄韻律嫌苛。久穿東郭先生履，漫引毗耶居士訶。世樂已忘腰帶適，憂端不受俗塵磨。銅山試叩鐘膺洛，挑戰才高未肯和。

跋殘帖

王家羣從亦名鵝，餓隸嚴家法更苛。邛竹會須周撫致，家雞似畏庾公訶。崩雲團團留丹碣，缺月娟娟隱

紫磨一卷叢殘顏色黯。朱鈴字已蝕宣和。

楚白復疊前章韻挑戰再奉和

書生善眩出籠鵝。詩將頻挑責戰苛。四海彌天習鑿齒。千聞一見蕭摩訶。和章幾欲窮牛鐸。生事何嫌困馬磨。卻斂犀軍迴守險。天方授楚未連和。

又

何當對酒汎新鵝。跌宕舳舳號令苛。玉女每教投矢笑。金吾不怕守關訶。君昨夜出城未歸。吾儕留落非天厄。吏舍囚拘任運磨。秋色城南絕蕭洒。勝游風日攬妍和。

又

不須疊礮寫經鵝。日課鈔書程自苛。九大洲真窮曼衍。四天下更說摩訶。雪山冰嶺有通塞。紅海碧銅相蕩磨。紬徧湛然居士錄。肥城酒美土風和。穆刺中書令。駐守尋思干最久。尋思干譯言肥城。即西遼主耶律大石建牙之河中府也。君方考證元史西北地名附錄。故及之。

又

欲迴劫運狄泉鵝。蕩滌章程去吏苛。還見雍乾全盛日。盡燭關市重征訶。吾邱東馬旋登進。贍部西牛漸剗磨。天下政須公等用。會陳十策致康和。

又

曩吾師劉中允栖道院。止攜一炊。家子每隔扉連呼之不應。予請筭治先生。欣然而笑曰。老夫自爲京朝官至今。受家人譴訶多矣。漠然無所饒于中。殊不失其大常也。追憶作此詩。

光風汎灑到傭奴。寂寞先生踞竈觚。不與王褒續僮約。幾疑田甲盜靈符。有時塵浣青精鉢。無意芟除碧草蕪。戲借先生鐵拄杖。橫穿牛鼻應傳呼。

寄輓歸善鄧公

那堪秋日聞南耗。雲散江郊釣石空。直節無人壯臺省。窮交有淚灑枯桐。幅巾此日風流盡。尊酒當時逸興同。嶺外崎嶇標一柱。界圖猶憶樹邊功。

文昌潘老久無書。況悼鴻臚性韻疎。勁竹摧殘顏不改。名山樵採約仍虛。幽光翳蝕終當曜。浩氣風霆縱所如。祇惜元封文武盡。金庭屈軼久應儲。譚云微言幽思。

送屠敬山太史南歸

文律精思句入辛。贈言貽我碧山鮮。要令科目因人重。已得孫洪老宿傳。除道行持翁子節。思歸乍泛季鷹船。甘泉法駕須陪從。卻待重來奏賦篇。

苑籩桂花

粟影半林黃。森霏島嶼長。誰移小山種。來作液池芳。露下金莖潤。景含別殿香。遙知月中落。倚樹有吳剛。

譚云·初唐高唱
·寓意自佳·

小漚巢不寐作

夜窗岑寂少清娛。一似霜松意味枯。暗壁已瘖蟲唧唧。高枝乍浥露塗塗。鬼嗤人作千年調。佛與魔空一
句無。深媿長年未聞道。湖樓但憶餽雕菰。

贈承子瑞曹郎

鹿裘七十有壯容。日採菖蒲花紫茸。不厭青衫霜葉槁。長楊同聽一聲鐘。

又

先生學道有所得。閱世浮漚不計年。好似前朝賀水部。東封手版訝神仙。
賀元石晉時爲郎。至宋眞宗東封岱宗日。年已一百七十歲。投手版伏

寄題白雲源中村舍

礪戶竹差差。炊煙乍起時。山蟻拾秋果。翠鳥颭晴枝。沙淺浮槎閣。林深牧篋吹。應教小兒輩。能讀楚騷詞。

談問渠戶曹面南下窪起樓三間可以眺遠索題句

縛茅面勢供穹壇。蜀客登臨眼界寬。地近憺園秋禊過。
近虎坊橋。國初崑山徐尙書故居。窗收窳廠葦風闌。綠漪野色來千頃。曲讌清香寄一官。難遣郵筒佳酒致。潞河郭索且登盤。

和陳雲泉先生賦得村落通白雲

遙指前村路，蒙籠翳不分。微通黃葉峴，半入碧山雲。竹翳牛涔跡，落迷鹿柴紋。菌芝蒸地出，雞犬上天聞。攪勝藤爲杖，尋幽荔作裙。猶能觸石雨，持獻聖明君。

又

野心誰縮住，一片度山雲。近落通樵徑，遙村暖夕曛。嵐光當戶映，松吹隔溪聞。杳鶴牛羊下，參差煙火分。路高行木杪，垣古繡落紋。招入簷端宿，村沽賽社粉。

又

高下數家村，村村多白雲。縈青山色好，繚白石根分。峯轉塔光曙，溪迴樵路曛。人行畫圖小，天近佛龕薰。題爲錢起伊陽田舍詩，故有佛龕之句。空翠侵衣潤，幽禽隔屋聞。仙源疑乍到，櫛葉落紛紛。

原作

武義陳樹椿雲泉

莫辨山前後，環村鑲白雲。遙通呼吸氣，近玩卷舒文。怡懌期無盡，沖瀾望不分。吹笙隱鶴馭，觸石訝羊羣。地隔紅塵淨，家操素業勤。溪南有來客，田犬報人聞。

又

早識滄洲趣，村居侶白雲。歸來稱地主，舒卷望天文。雞黍簷相向，魚鱗狀易分。晴嵐披絮出，野饁帶煙耘。

濃淡迂倪畫。高低小李鞍。待予行采藥。物外趣長勤。

和五代楊少師花如覺性圓詩

海棗垂垂實。浮萍箇箇圓。未能栖淨業。且辦學神仙。

謝王葦塘大令餽丹沙

飴我刀圭換白髭。深崖篝火出神奇。遠來蜀物殊相厚。持語夏蟲應未知。仙吏不煩勾漏乞。祕方教覓外臺宜。忽思采藥名山去。久與丹楊許遠期。

蔣林君仿金孝章畫梅花一枝瘦硬屈鐵頗有瀟灑出塵之致因題其上

并無翠羽伴橫參。想見孤山深復深。絕似藐姑仙獨立。吸風飲露不依林。

又

半枯鱗甲鏽蒼苔。曾向遺民卷裏栽。應爲幽燕長顏色。一枝寒谷喚春回。

九月朔日獨遊天寧寺

精藍久不到。鹿柴已俄空。援菊開林曜。欄藤遶架葱。塔鈴馴野鴿。僧衲挂長松。窗虛數峯見。林交微徑通。梵罷祇園寂。杵荒乾蘚叢。風梢石壇偃。井岷乳泉融。像禮華嚴勝。幢漫篆刻工。土潤畦蔬綠。霜懸山柿紅。悠悠北去雲。杳杳南征鴻。獨對寥天一。無機惟抱冲。

題點蒼兩石屏

老樹秋厓裏，枝穿入厓腹。雲罽隱奔泉，飛流幾千斛。
遠山雲似墨，疑挾雨痕飛。曳杖何人立，磯頭看翠微。

次韻答諸遲菊同年

別來不記幾甲子，但憶同登鳳唼堂。蕭爽君過吳市尉，湛冥我託漢庭郎。一編詩歷鐫雙壁，三續疇人行。
九章題徧支硎光，福勝清才如海不容量。

宮槐黃葉謁延秋，特薦資高孰與儔。再入金門方謁帝，重來稷下折談騶。傳書已滿猗玗篋，閱世將宗柱
史柔。待博弦歌闢三徑，飽看濤勢曲江頭。

雕菰湖墅夢痕荒，竹閣參差倚柏堂。少壯游鞬躡高李，聯翩社課角錢郎。誰知老禿霜欺髮，那辦雄心露
上章。輸與譚長挂冠早，箸書盈尺故難量。仲修新寄來牛
廠叢書一部。

多君皮裏有陽秋，作賦滋崢揚馬儔。試吏不窮囊底智，華身奚待車前騶。才人竟嫁邯鄲賤，揖客羞爲夸
毗柔。且作長安十日飲，醉留東野肯回頭。

失馬戲作絕句

老來行步本難工，誰悟盈虛塞上翁。爾欲賦閑胡不告，瞥然收拾市朝鞦。凌云·大有隨物寓興
·洗洋自適之意。

又

絡頭似厭金籠苦。此去逃空不可馴。倘與畫牛同一韻。隨方水草得閒身。用陶宏景事。

答劉默庵何霞客

凍雲壓簷寒日微。算雀遶舍疲吏歸。廿年灰冷百僚底。柱史新沐髮未晞。初猶文句自娛適。刻雕衆形和天機。邇來筋力漸衰憊。怯拈強韻心先疲。朝晞莫惜茶曹役。節行久弛墮弦章。賴得灑山兩騷客。高才脫略相踳駢。茫然不鄙狃犢劣。壇塾對峙開緇幃。誦聲朝課出金石。講義夜授陳珠璣。何君落筆治萬象。劉子抽鐮摧重圍。散官昨失北竄馬。歸逕踰蹕塞因依。忽枉新詩雜嘲諷。清詞斲雪開森霏。君不見杜陵翁官馬送官徒步歸。我餘一蹇飽箕豆。深媿前賢朝忍飢。又不見陸務觀規作牛欄衛管扉。無錢一笑且罷役。早乞祠祿辭塵鞿。古人貧有甚於我。襟抱灑落八極揮。憊我無能爲古役。學儉道不能自肥。兩君鞭笞開我意。冀起癘疾瘳癘疴。行年長矣未聞道。畏友夾持蓬麻幾。吾聞毅豹之失不鞭後。內雕外爆形骸非。不求放心求放畜。輕重倒置孟所譏。誰珍內宰捐外物。息紛解鶩坐養黃庭暉。與君同參去害馬。浩然翱翔乎襄城之野。具茨之麓餐和飲。滄雲爲衣。凌云。借失馬一事起興。椒意精闢。造言詼奇。

題江子屏小像

惠家紅豆託宗工。汪子遺文華梵融。強爲承師分兩派。豈知空閱更來風。

又

風姿饒有承平態。自寫羣書募殺青。卻笑南城無揖客。蘆洲擲笛有誰聽。曾賓谷開校刻全唐文館。吳山韓寓江先生入館書云。無論鄭堂經史之學。足備顧問。卽下至吹竹彈棋。評骨董。品磁器。煎胡桃油。作鮮卑語。無不色色精妙。足以娛貴人之耳目云云。然南城卒不見收錄。時豎鐵橋亦以不得入館負氣去。撰全上古三代漢魏六朝文鈔目錄。收羅極富。欲以壓倒唐文館。其兀傲之氣。不可及也。而南城之好士。概可見已。

戲爲絕句

扳桐刮掃神仙窟。鷲嶺茶毗釋子鞵。別造一番魔世界。乾坤爾許大能容。時中俄西域邊務紛紛未定。

有名未若隱無名。物累都捐身始輕。喚取支公花映發。逍遙遊義柱頤聽。
儒家每斥兵家術。誰省威弧變火攻。欲用九流惟去短。史譏寡要有深衷。
紛紛名字盜齊洲。霸業成時諱竊鉤。所患出入深慮表。幾家能爲子孫謀。
胡語澄公狎海漚。出關老子策疲牛。何方可隱惟方術。針孔教藏芥作舟。

牆棘行

寒雞未號霜月璨。冬夜漫漫何時旦。窮官屋止破書堆。夾壩居然窺几案。西藏語。稱竊物人曰夾壩。遠鄰凍吠聲如豹。醉尉不訶生積玩。晨興雖未損一物。飢僕凌兢竈婢歎。有人叩獻囊底智。試護鄰垣阻踰竄。喚取郊垆斫棘夫。滿擔叢叢刺菱半。急求翻使故居奇。予直仍令助乘場。宛昔衣茅次第更。又如鉤子參差貫。丸泥不

番關紫荊惡少何憂工赤彈覆之薛荔女牆低用等蒺藜胡騎斷書生自謂出奇策坐待宵人攫手爛豈
知肱篋智多端持此周防甯勝算末世徒憑三尺法邊籌幾見重門扞吁嗟乎函牛之鼎不使蟻措足
若申韓且拯亂

答星吾餉貢橙

集

殿前玉食有輝光延閣仙人手寄將猶帶嶺南新摘味白沙祠畔滿林霜

安般窹集

詩續癸

和麓泉用玉溪生韻寓意之作壬辰冬至後

屋絕丹梯不可棧，碧城天半但聞鐘。飛龍出骨心原苦，遠黛施眉俗喜濃。腐芥性難收琥珀，銖衣手自製芙蓉。洞天祕籍無人讀，客有書銜署大蓬。

又

青鳥傳書喚不來，袖銜瓊札篆驚雷。驍投壺裏天微笑，輪轉腸中日幾回。松子隨煙無特操，葛陂騎杖不仙才。歸依只在琉璃域，參取瀉山爆豆灰。譚云。以清迴矯變學義山。智過其師。乃能傳法。

遲庵公在休沐中數月出示散花圖命題

誰說淨名居士病，分明談笑卻千熊。狂花客慧憑都掃，心折菴羅半偈師。公自號半禪老人。

飄警神光合又離，香南雪北見威儀。不須更倩纖長爪，卻值蓬萊清淺時。翻如乘霧出驚鴻，蹴蹋人閒色相空。參破一重公案徹，鱸煙續續月濛濛。八風處處是日用，莫笑繩床只半弓。鬢影花光同一淨，手拈有漏碧翁翁。

再升說法率陀天。揮斥浮山九帶禪。與作人閒清淨眼。誰知坐破一條氊。

久不歸禮掃先墓書示弟姪

儀曹摧颯南遷日。漸窅支離北去時。迴望長傾寒食淚。荒林蝮鳥隔山陂。

宿留

墓前告誓竟何如。員石臺卿遠遜渠。寒夜起挑將地爨。齋心嬾對半殘書。懸疣來日終須決。病葉經秋偶未除。縱挈鴻毛難比並。何方針孔一逃虛。譚云深

又

歲墟依隱那能妍。陛楯沈浮不計年。未辦新巢養疲蒸。誰明燎玉有貞堅。人生鵝炙終爲累。影事龜毛亦自湔。明日倘容投劾去。林泉適志便欣然。譚云志隱詞顯一
掬清淚將成冰

頌篋窆

寓言里社有高輓。篋老差堪侶醬翁。工遜自關天所授。真清始信物能容。萬年古井養秋水。一道飛泉界碧松。獨爾真遊超物外。俗緣何日許相從。

題竹柏圖爲江節母壽

枯桑知風百昌病。竹柏蕭然獨也正。青蔥峭蒨不知寒。雪虐霜饕鍊真性。真宰不隨寒暑遷。何甥謝舅兩

俱賢高枝屈鐵老風格。筆妙能將母意傳。昔時一鳳將雛九。臧圯崩騰疲極負。連天烽火幾播遷。弊簏遺書猶篤守。吳中辛酉之亂。節母攜三子避難至江北。他物皆棄。獨守遺書數篋不忍棄。卒教孤成名。節母力也。亂定歸治下。溪廬機聲鐙影課。紬書優龍劣虎門。終大截髮刊蔥誰得如。諸郎摘髻取高第。慈明無雙媿衆菽。謂建康太史。養堂潔白飯青精。菜綵斑連工芟製。筍將扶掖度京華。江夏終迎羽葆車。兒草天書趨夜直。婦和羹臠飲朝霞。讌集勝流皆起舞。祝無量壽詞高古。奇稔自可倒三松。花雨還看霑八部。竹實離離老鳳餐。西來柏子麝銜殘。捧觴歐九娛親雅。猶寫韓文舊本看。

蔥嶺雪山閒界務未定。楊萸裳侍御宜治。奮然請行。戲作詩趣之。

楊侯高不踰六尺。心雄萬夫。建奇筴。欲窮冰嶺試芒屨。目極天山工指畫。乘嶂將賈隔歲糧。奮髯思度流沙磧。試問阿母河邊筏渡人。何如若耶溪上樵風客。且看傲外青壁高千尋。定添勒馬題名迹。李風子後得楊風。李雨著都講好遊山。足迹自五嶽四鎮外。以勘界事涉歷天山。木素爾嶺。西金山。皆窮探其勝。今之振奇人也。異境仙靈賴君闢。兩髯客狀絕奇偉。五翎侯

徒皆辟易。磨厓老筆作龍蛇。留與後人錄金石。列城戍尉佩刀迎。來獻留犁酒。重碧眼見蜀物市。胡柯手寫。方言通象譯。鉤陳測地立。方開玉斧。劃河淺堠斥。嗟予老矣。猶思杖策從。一探絕域。佉盧籍。借彼木公樹上長。生瓢拾取金母筵前爛。桃核爲君點勘。西游記坐使埒井之蛙。東海之鼈疑團釋。楊髯聞之笑絕纓。三十六城圖徑尺。會當睨柱割秦城。否則運奇歸趙璧。定分兩戒蘊山河。不使丸泥蹙疆場。試觴易水

送酒人。一爲歌行歌祖席。傾城追餞車如雲。遠樹清暉帶行客。去時驕馬錦連乾。歸日起家霜列戟。羣山王氣方復來。蜿蜒鞭指餘霞半天赤。譚云。有波謔。雲委之趣。

憶舊山

山雨山風落翠微。溪晡溪曉破森霏。夢中腸遠吳闔闕。陌上花薰錦樹衣。溪挾百靈迴箭激。山垂兩乳勒騁駢。枉帆若遣過山下。莫笑橫江一鶴歸。

欲倚

欲倚句文爲鼓吹。翻嗤陶謝尙枝梧。天游六鑿環相困。囊粟三年錐也無。不使廷爭酬造化。何當樸直乞江湖。無人寄與疎麻訊。惟聽昏簷凍雀呼。

題友人丈室散花圖

紛紛絳靄從他撒。的的紅蕉幾許墜。居士身心兩無著。霎時一箭過西天。舞態從教出萬方。一龜早晚但搢床。阿誰參得機鋒透。釵釧聲來不隔牆。

小瀕巢仿半山
老人作

瀕巢自有主。我作巢中客。客主各無心。虛緣但湊泊。厭聞世語喧。依汝栖岑寂。

蒙恩擢爲鄆郡監司敬述二律

黃山雲海神仙窟。丹洞浮邱夜啟門。許乞一麾尋乳穴。迴看三署認巢痕。濫分符竹叨增秩。自省庸樗恐誤恩。更有風枝劇淒斷。杯盤祿不泊親存。

又

東南杼軸其空日。卮漏疇分聖主憂。時局阡危疲尉歎。吏能淺薄故交羞。弦歌敢計資三徑。人海從嗤損一漚。誰雪書生純盜恥。頓邱赤棒不煩求。

春興癸巳

紙鳶風裏春人集。繡轂銀鞍望不分。亦有真觀南郭窻。晴空搖颺一絲雲。草窗綠未條風扇。花市紅先夕照薰。輸與園公機趣逸。井欄抱甕課長勤。

里人篋笈新示一札云。藥括爲韻。語適可諷誦。錄而存之。以銘座隅。譚云。不必入詩集。凌云。亦詆詭有致。

道之真以治身。不以利累形。不以物役神。常騰騰兀兀。超然萬物之表。一日復一夕。一昏復一晨。齊垢淨爲一致。處窪弊而常新。蓋鴻冥而蟬蛻。不忤俗以喪真。衆人昭昭。我獨愚菴。俗士察察。我獨若惛。太虛爲室。而明月爲燭。真宰爲主。而形骸爲賓。物我齊邪。得喪均邪。或欲竭七十二鑽之力。窺其底蘊。而廢然口吐舌繹。殆終無以測其爲人。

悠悠

鴻蒙何日挾雲將。斥鷃卑栖笑搶枋。宗慤得州裁斗大。趙咨人地只升量。菰蘆中豈無奇儔。枳棘叢爭侮老蒼。一士周秦論貴賤。悠悠誰短又誰長。

答永嘉徐戶曹枉投之作

魯人媚鐘鼓。無以娛爰居。得官如腐鼠。何足嚇鷓鴣。徐侯澹蕩人。清言永嘉餘。分曹復望衡。不啻同隊魚。君妊孤嶼美。予誇雙臺殊。願言述風土。山水勝情摠。社約雞犬讌。鄰環芻苢廬。時聞煙裏磬。偶曝花前書。耆舊追黃李。釣遊宛里閭。芒屨扶竹杖。小摘翦園蔬。忽復除書到。丹楊黟嶽墟。一麾出老阮。三宿戀浮屠。拙製徒傷錦。濫吹將澀竽。理人既無筴。操術恐終疎。新詩飴我心。雜佩投瓊琚。行辭薊門樹。一泛宛溪汴。沈鱗去京國。籠翮思江湖。終把浮邱袖。飄然賦遂初。先營三畝宅。待子巾柴車。譚云。阿龍故自超。

久瀾

久瀾諸曹陞楯郎。尙能弄筆映窗光。過江預想扁舟穩。幾點晴雲指歷陽。

春遊漫興

春物暄妍甚。春風披拂時。春叢未放晴梢綠。春麥初涵宿露滋。春水鱗鱗截拍岸。春陰漠漠復連陂。西林鐘韻徐徐發。南陌人歸故故遲。偶出鹿裘還帶索。春遊惟有一榮期。

漫書四絕句排悶

曩來竊號比壺公。吏隱蕭疎已禿翁。昨與九華君有約。招予同隱一壺中。

近刻二小印文云。監鄆郡御史又云。九華今在一壺中。

長安日噉風沙客。老得監州作幸民。想見謝家山一曲。明窗棐几潤無塵。

朱長文云。江南土潤無塵。其人多雅愛此語。以爲妙解物理。

春樹朱顏一擲梭。紛紛濁愛幻灰河。把茆便欲陵陽住。心太平庵安樂窩。

解脫涪翁十日留。

崇寧元年壬午夏。黃文節以吏部郎領太平州事。九日而罷。文節時年已五十八。

真成無柁一虛舟。石牛谷裏深深寺。絕澗春淙自在流。

在流。

集句贈宛陵進士呂權膝

相逢未穩還相送。似是官曹錫與銅。五畝漸成終老計。九華今在一壺中。坡沙上草開雨新闌。杜城西野

桃尋小紅谷。更吟君句勝啖炙。

歐贈梅宛陵句。

錦囊深褚幾春風。半山

將泛潞河留別子培子封

風風雨雨幾因依。深坐頻仍閉爨扉。漁籬同尋過葦泚。寺樓共倚玩清暉。方回未許吾微尙。支遁無窮出

辯機。欲別帝鄉行不得。君家黃耳亦牽衣。

又

潞河未皺春來面。遷客星星久上頭。不惜年光如水逝。猶含別意爲君留。菜畦野岸翩躚蝶。茅店澄江澹

岩瀉。此去楊風隨所適。東尋石壁且行游。

譚云。自然高秀。不假作用。

和

秀水沈曾植子培

持戟金門有歲星。春風露上偶揚舲。向來筐篋疲真俗。喜領山川助性靈。醒醉別筵看總好。莊諧鄙論索誰聽。道情拯溺平生意。豈問迂儒抱一經。

又

狒狒金門幾載留。居然洛咏鎮西遒。心光岷岷穿千古。履迹冥冥混衆流。意氣蕭朱名過忝。形骸王華邈非儔。絃琴挂壁從相乞。異日移情海上漚。

答子培枉示之作

吏曹真俗久相妨。每詣機雲志一場。君徹藩池常絕倒。予傾筐篋乞貧糧。低頭小別辭東野。草具曾留近北堂。今日離居黃篋舫。爲雲終擬逐栖翔。

又

拯溺自關良相事。弱材豈足應時求。心期祇辦逃三徑。耳學差堪附九流。相與形骸真可外。資生道菽待深諏。歸來同訪西山隱。爭席還堪狎海漚。譚云。世出世法。味無味中。

荒村

荒村籬落布縱橫。田犬遙聞隔水聲。寂歷斜陽上高樹。盤紆臥柳護新坪。漸抽宿麥無雅啄。細刷春泥有

犢耕坐看來帆風力健。虛舟吾自信天行。三日遇逆風。到一處輒止。

晚至楊村宿

出門三日風吹面。晚泊墟煙又一村。海氣森霏連赤岸。市聲迴合近黃昏。官橋弱柳垂垂在。野店春醪澹澹溫。忽憶光輝雙使節。參軍衰白與誰論。乙酉春。隨持節尙書錫公。鴻臚郭公。奉使析津。往還皆過此一宿。今兩公墓草宿矣。豈勝慨然。

感舊

鴻臚迹與滄波杳。太宰墳看宿草陳。且貴頻年年入手。莫教一日日催人。黃雞楚調誰家唱。碧艸柳絲空復春。濁海橫流更何待。欲麾蛟鰐使梁津。

有懷海南潘孺老

海南萬里山明滅。笑電流雲夢有無。沙艸無端數叢碧。寒鴻不寄一行書。故人蕭瑟冠椰子。楸吏紆迴剖竹符。五嶽尙垂藤杖約。相攜禽向真良圖。譚云。瑟調入律。曰適曰怨。清和不必言矣。

陪淝陽使相讌集之作

陶冶羣材網八紘。酒中軍令倍分明。能容揖客開黃閣。迴注深杯倒碧瀾。噓吸喬松第嘉頌。指麾暘雨作昇平。獨慚絲髮無裨補。牛鐸虛陪奏鳳笙。

道中書所見

漁陽無花表春色。惟見氍毹江柳黃。行客雙輪泥獨漉。估墓一笛棹相將。銀釵山葉走田婦。缸面村沽瀟酒囊。誰言驛路風景惡。粉壁題詩何郡郎。時由津門復還都下。

車中望西山頗爲薄雲蔽虧不甚明了

西山秀出四時碧。今日卻霾煙霧空。笑我雨行稽淖上。幾時雲起頌封中。巖花香透盧師坐。亭篠青圍退谷翁。北平孫侍郎退谷在臥佛寺旁。輸與衡雲都靜掃。晴撐突兀動昭融。

過野寺用前韻擬題

平生頗領物外趣。迴向叢藍心地空。試問疲牛溺泥裏。豈殊鈍鳥宿蘆中。早知衆累生靈府。晚悟浮緣障主翁。洞下試拈穿鼻孔。門風真妄兩俱融。

漫興

點點桃花紅欲燃。不逢淥水照嬋娟。擬要度世人遊世。安得忘言客與言。溪上扁舟青蕩笠。樽前宴坐紫落錢。楓齡猶滯南州尉。西塞煙波思渺然。

題傳笏圖爲翁弢夫閣校作

鄭公縱橫家。亦涉盤盂書。崎嶇困委摯。慷慨服鹽車。低徊隱忍歷。事久不遇。晚遇龍姿日。表灑落開衣袂。官家真氣洞戶牖。良臣再拜陳忠謂。百三十事鉤予提要書之笏。善敗一一工爬梳。玉海引中興書目。鄭公諫錄五卷。王維撰集。

諫太宗。凡一百三十事。笏今剝泐地蚶似。手迹猶留公揭。流傳廿有二甲午。笏長周尺二尺四寸有半。陰面正書大庚貞觀八年臣某執。凡九字。時文貞年五十有五。歲在甲午。先是由祿監官侍中。歷數至明年。正復值甲午也。

彷彿侍宴丹霄初。開成舍人常進御。魏善進笏事。酒鑿繫之。文宗開成三年戊午。年陶中丞縮陝西藩。條日治園。又得斷石數片。文宗稍完善。豈藩署直文貞故宅邪。未可知也。

虞山撫部寶藏弄。貞珉斷句後先出。光氣不得終蕕淤。題詩神物志呵護。翁文勤公有長歌。逃得笏緣起。

手澤芝樹生庭除。虛堂春陰似有雷雨作。紅光紫電百蟄將潛舒。出觀宜具服再拜。予諷少直遺規攄。杼上銳首象忠饗。豐本厚上根深鉏。版頭白筆注記便。仗下紫囊鶻錯儲。蒼皮皴

駁古松裂。篆刻冲勁壇圭如。大和孫追貞觀迹。寶此十襲皮精盧。嗚呼隋氏改玉天步徙。真人御珽明堂

裏。啖醋誰如羊鼻公。捐金猶遜黃鶴子。古來成名關遇合。投水沃石因時爾。君不見中丞忠鯁無回撓。急

敕防江副節使。將軍不喜陳湯諫。持節還杖章叡筆。苦戰傷亡鼓猶振。飢軍激磨甲未弛。焚旗夜照紙鳶

飛。碎堞朝看木驢毀。雨矢還披北海書。雲積俄壓東城壘。定遠當漢東城地。請室旋書牘背辭。繡醪不洗壺頭恥。從

容柴市詔更生。銜結玉門行萬里。花馬池邊赤綠羣。賀蘭山下槍幡起。銜鬚再拜戀君恩。手握笏囊耿猶

視。嗚呼孔道輔以笏擊虵。段太尉以笏擊泚。法物既非微。流傳良有以。孤臣終邀易名典。此笏屢兆門闈

喜。惠政猶留召埭祠。前徽足繼甘棠美。兩世華光直講筵。文孫今又石渠仙。媿予未得南牀侍。樸直江湖

茶匪堅。徒逐風塵持手版。幾時繕寫述懷篇。千年龜鑑猶堪續。一日驪歌思黯然。

致仕前侍郎黃漱蘭、丈李恣伯、侍御繆小珊、同年盛伯義、祭酒沈子培、秋曹葉綠督、王廉生、黃仲弢、

吳子修、朱叔基、文雲谷、六太史、親家王蒿隱樞部、先後在城西祖帳、爲平原十日之飲、率賦爲謝、
傾城垂餞、穀如雲、俊顧君廚玉雪薰、此日芳樽開杜曲、他時遠樹隔江雲、攀躋久許追中散、告誓惟應老
右軍、記取殷勤題壁字、魚龍世事幾屯氛、

留別小瀨集

曉來滿院柳綿飛、種樹成陰今幾圍、別汝淨名方丈去、卷簾風絮送春歸、

題陽明洞天圖

元人黃子久畫

陽明子未生以前、先有陽明之洞、天道山延閣五萬卷、蟄室祕笈三千年、山嶽奇以戴土、水蕩涵而成淵、
雲霧翳而消半、松夭矯以童顛、石壁立以熊經、窗疏明以洞穿、蝮鳥離羣中相和、龜魚游泳以天全、樵牧
散放有閒意、花藥芬芭無俗妍、前乎此者子久、誠不知有陽明、後乎此者陽明、亦無心遇子久、龍場噫氣
茁風雷、天泉佳游扶障蒨、石闌點筆富春笈、粉墨俄空世何有、楊東里、蔣蘿村、精尾有士奇之印、蔣氏長印者、不知流傳

幾朝昏、相皮誰辨將刊印、信手依稀淡墨皴、

元以前多用銅章、至明初王元章出新意篆刻、始用花乳石、此卷內黃公望二朱文印已刊泐、審係銅鑄者、

石蘿拂黛半

昏黯、繡池脫落題簽存、此是良知真實義、雲山韶濩見根源、嗟我得畫亦偶然、三復摩塗傳習編、河汾爪
黃廢中說、蜀巖瘖聾輟、太千、丹篆三爻夢吞後、元氣一畫未分前、嗚呼、真儒不以洞天重、竹花偶爾巢朱
鳳、洞天亦豈藉人傳、欲吐青邱九雲夢、飛橋一道偃長虹、神物千年蟠玉甕、竹林石笥亘連綿、貝闕金堂

森欲動人閒何地無靈境。一線天光起功用。

別園中草木

十年真寄耳。吾自信天慵。蒼官招墨客。慶汝得繫逢。

子培弟仲將來住此屋。

秋月嬾娟影。春煙澹冶容。去住吾何擇。欣

賞未能同。九纘薊杏火。十見沙棠紅。請述園中物。

一一關離悰。雙桃蟠根大。歲久柯如銅。椿亦養長年。風

葉搖青蔥。棗自抱赤心。赤心將安庸。丁香花四出。春纈翦瓊瓏。

去年所遂種竹。經冬皆枯。惟西窗下

有兩叢。生意暢茂。則前人所種數十年物也。

祇餘兩叢潘。蒙密窗光通。赤松久無跡。補種蓄深衷。笙鶴一以去。抱蜀甘長終。其餘

多瓊細。叢生春泥融。絳蕾引暝雀。畫闌懸青蟲。嗟子聞道晚。朽質困瞽蒙。退違深深息。進乏冥冥功。符竹

方爲桑。藥石願吾攻。今晨捨汝去。笠簷泛短篷。鼎鼎百年內。社燕送秋鴻。庭莎亦有情。曲徑青鞵鞞。芝菌

寒未茁。菘蔬已滋豐。豈不戀三宿。行將投五茸。相忘於道術。去來理無窮。養空任所泊。念離匪傷沖。保汝

歲寒姿。駕我冷然風。

譚云。津逮牛山。衷孟韓而一。

村叟詩草草寫出。用活字版排印。初意欲以供江鄉知舊一笑。俾審予頻年身世隱約之迹。以省書筴往復之煩。昨略一披覽。了不見勝處。且寫情景句少。而說處理猥多。不免如劉舍人所譏。非柱下之指歸。卽漆園之義筴云云。此詩病也。且沈氏亦譏孫楚孫綽許詢之流。爲學窮乎柱下。博物止於七篇。正始永和之間。流風之扇。乃爾。予又胡爲滉其畚棄之泥。而揚其涸絕之波乎。更卜何時捐去故見。別引新機。得有莊老告謝。山水方滋之異境乎。法不孤起。仗境乃生。手隨意運。暮年方妙。此殆俟諸異日。不可知之數也。且聊以眼前文字窠臼。盲鈔妄錄。博解故人頤耳。庚寅二月六日。昶偶識於宣西坊寓舍安般篋中。